

耐而  
冷存  
詩

市別特海上  
館書圖立市

Shanghai Special Municipality


PUBLIC  
LIBRARY

上海图书馆藏书



A541 212 0010 7631B

耐冷山房詩存



-1558016

解令居杏凡十水照



陳先生傳

李執中撰

先生姓陳氏諱佑啟字子後一字我珊湖南  
武陵人少讀書有志節而家貧嘗授徒以養  
其親清道光己酉以拔貢遊京師已復遊粵  
遊蜀均不遇而貧益甚於是用拔貢註選得  
臨武教諭同治丁卯領鄉薦仍返於臨武久  
之遷岳州府教授當清咸同之間天下多事  
布衣徒步覷得尺寸階立可躋身通顯先生

累世科第通家故舊徧津要多途徑可循顧  
執節硜硜確然不邇於榮祿徃徃動人疑恠  
其入蜀也與成都守吳某者偕時滇匪侵蜀  
蜀備戰方亟吳職運艘餽軍途次聞礮聲大  
驚私欲遁去先生曰艘繫蜀安危甚鉅亡艘  
亡兵兵亡民誰與保且燃礮是否匪至未可  
知奈何急一人之生而輕棄千萬兵若民於  
死使偵之果土人練團非匪後軍中得餽艘  
戰比有功叙績宜得知縣以非所志勿屑也

先生既任教職以爲人不可無所寄以自樂其意且官而儒儒也非官於是刪除儀俗用師道自勵日進諸生與談道論藝不以官臨諸生長吏以先生得士而名高輒舉所屬書院講席奉先生亦不敢以長官臨先生也在教職三十有七年中更督學使十數輩咸欽重先生去輒上考最語京師京師積最考擢知江西彭澤縣先生曰昔淵明不爲五斗折腰今彭澤猶如故也吾可令湖山笑人耶且

吾而爲吏者又寧俟今日也不赴後乃晉其職爲翰林院典簿光緒丙申辭教授歸歸五年庚子卒年八十遠近聞之以爲失人師也子曰新強能世其學所著耐冷山房文集二卷試帖詩四卷古今體詩四卷均刊行於世贊曰嘗聞之北岳山人先生外通而中介以貧故用教職自給非然者千駟且勿顧寧爲一令屈哉余執山人言求之信然蓋先生篤嗜南宋諸儒先書制行不苟而尤嚴於出處

之辨以耐冷名其集亦隱自擬於陶彭澤也  
山人者閩鎮珩湖南石門人嘗守道抗節不  
仕者也



武陵陳君戮珊墓表

石門閣鎮玠撰

石門李執中書

往客武陵與予為忘年交者三  
人余容初司馬崔晦真州牧陳  
戮珊典簿三人中戮珊年最長  
其宦歸亦獨後而論交於予實  
辱禮先為初同治丁卯予始出

應鄉舉其年舉者六十四人而  
戮珊名在選中予鄉人有與戮  
珊相知者為言戮珊方以拔貢  
官臨武教諭年幾五十而有高  
行予心頗嚮之既而予往來沅  
湘間所交遊多有戮珊弟子因  
是知其行誼益詳戮珊少有至  
性事親孝家貧授徒以養其親

而為學堅苦特甚登道光己酉  
拔貢試舉順天得國史館謄錄  
不就改授教職當是時廣西盜  
起戮珊以薦捐之粵東復募遊  
入蜀無所合而歸久之迺補官  
臨武以卓異為巡撫所薦聞遷  
岳州府學教授前後督學使者  
又多稱其學行純懿可任用於

是詔擢彭澤知縣予內閣中書  
銜時戮珊既年老不樂仕請歸  
而朝廷獎飾不已復晉翰林院  
典簿自戮珊在學官任暨歸凡  
三十有七年其間兼書院講席  
十餘年皆以勤學善獎誘名得  
士心而尤薦於內行在岳州有  
以千金屬為請事於大府者戮

珊咲謝不納在臨武舉報節孝  
二百餘人及鄉舉前數夕夢諸  
婦白巾素經環拜其前俄而報  
至其入蜀也從成都知府吳某  
運艘饋軍自次聞礮聲某奮為  
賊大懼將棄而遁戮珊力持不  
可從其言卒得無恙其卦粵東  
道出清遠會城陷為賊所執窟

而幽之彌月時創甚且病牯幾  
危者數矣有某者壯莫類釋而  
遣之遂得脫歸蓋戮珊操守之  
正遭遇之窮雖莫弟子或未能  
盡知而予所親得諸戮珊者如  
此歟歎豈不偉哉戮珊類凝重  
謙謹善下與人居物物如不能  
言至其論學曲盡事理不為新

竒詭異之談而務使人繇簡易  
以趨於中道自西學流行中國  
吾鄉人初猶仇詎之久而浸淫  
漸漬多違其本心獨予與猷珊  
及晦真三數輩持論猶故時眾  
果譁咲指為不祥而予三人者  
聞之莫然不屑也丁酉冬予謀  
挈室還山時容初已崩卒而晦

真久羈沅上貧不克歸玆珊亦  
老病猶曰與諸生課校文藝不  
輟二人者或間時聚處相與感  
喟天下事則益倡和為詩以道  
其湮鬱難平之情與夏時閔俗  
之志尋予因事來武陵屬玆珊  
已病不能興往省問流涕頷頤  
而已別去十餘日玆珊竟卒予



歸未及聞也。越明年更來，則其  
家已奉柩歸，葬數月矣。予恨不  
得謁靈所而哭之。間過晦真，則  
艱貧如故，而其衰病之態，幾與  
越珊昔年無異。嗟乎！天之所  
阮二人如此，寧獨其身之不牽  
哉！陳氏故藉湖北之潛江，雖正  
間有官常德守備者，因留家焉。

至戮珊為第七  
大父曰樹猷用拔貢官山西孟  
縣知縣考曰廷章官陝西西鄉  
縣知縣戮珊諱佑啟字子後以  
道光壬午生於孟縣官署亨壽  
八十其卒為今光緒庚子十月  
娶宜人余氏續娶邱氏杜氏子  
四長象賢江西巡檢前卒次曰

新邑廩生次強次錫賢孫四鳳  
翔崇寶崇寶崇洪曾孫三本端  
本源本莊女二適羅適張予既  
未得聞玆珊之訃故無辭以申  
莫哀思而莫孤聞予之來始自  
鄉持其族屬曰迪吾者所撰狀  
擬予句為墓道之文予因系次  
其生平大節且誌玆珊交予之

始末以界其孤至其他行有為  
狀所備而予或未及論述者蓋  
亦微而不足書云

# 耐冷山房存詩目錄

脫虎口	一
過佛山	二
抵羊城晤鄒杏巖刺史	二
辭友招飲河舫	二
遊海山仙館	三
寄家書	三
登越王臺	三
珠江泛月	三
遊十三洋行	四

留別錢子英	四
飛來寺	五
次曲江縣	五
度大庾嶺	五
過十八灘	六
南昌舟次晚眺	六
次湘潭留別鄒杏巖刺史	六
舟過龍陽	六
右嶺南詩存計十七首	
荆門感懷	七
樂鄉次唐陳伯玉韻	七

宜城道中	.....	七
新野道中	.....	八
博望驛題壁二首	.....	八
舊縣曉發	.....	九
渡黃河	.....	九
陳橋新霽	.....	一〇
十二連橋四首	.....	一〇
遊玉竦橋二首	.....	一一
渡邢澤口二首	.....	一一
右北上詩存計十七首	.....	
澹津曉發	.....	一二

松滋道中	一二
枝江夜月	一三
江行	一三
感懷	一三
黃陵廟	一五
大沙壩	一五
空舫峽	一五
青灘口號	一六
牛口夜泊	一六
入峽醉歌	一六
界石	一七



出峽次巫山縣	一七
夜雨	一七
曉發夔江	一八
和吳醉碧太守出峽作	一八
碓硿門	一八
觀音巖	一八
宕渠道中	一九
鹽井	一九
旅夜	二〇
旅夜用少陵幕府韻	二一
七夕	二一

燈下……………二一

即事……………二二

遊貢院二首……………二二

涼宵……………二二

中秋二首……………二三

重九偶成……………二三

犍爲營次聽雨……………二四

嘉州除夕……………二四

春感四首……………二四

兩井即事二首……………二五

右蜀道詩存計三十九首

遣懷	二六
紀事	二六
送翟誠齋刺史之官道州二首	二七
齋中望月懷故里諸友	二八
雨後	二八
題錢蘭浦苕上念昔圖二首	二九
謝杜竹溪孝廉招飲二首	二九
夢中得句感成一首	三〇
九日登舜峯二首	三〇
和吳曉帆先生見贈原韻	三一
和吳曉帆先生遊韓張亭原韻	三一

蕭齋四詠.....三二

續蕭齋四詠.....三三

癸亥除夕.....三四

甲子元旦.....三五

春仲送吳曉帆先生之嶺南二首.....三五

和曾瑤溪遊雙溪書院.....三六

署南有軒歲久將圯葺而新之消夏其中得十二詠

.....三六

簡復故鄉諸君子五首.....三九

簡故鄉蔡子陶博士三首.....四〇

簡藍山羅子模大令二首.....四一

題脫塵子詩集	四二
題西溪散人詩集	四二
題樂真子詩集二首	四二
題同聲集	四三
贈杜寶田學正	四三
西郊散步	四三
聞官軍收復金陵二首	四四
八月七日作	四五
十四夜月	四五
十五夜月	四五
十六夜月	四六

九日登秀巖步吳太翁韻……………四六

署桂兩株過時未開疑以散材老矣小陽初吉忽而

垂葩結蘂清香四溢殆榮爭晚節者耶賦此美之

并索同人詩……………四六

和吳曉翁菊花原韻……………四七

招友賞菊……………四七

臨陽學署對菊述懷四首……………四八

題春園漁樵耕讀圖四首……………四八

輓湯烈婦二首……………四九

九日登東山偕杜筠圃羅鳴岡諸君暨兒輩冒雨躋

絕頂兼懷吳曉帆先生八首……………五〇

次吳蓬閣世丈感秋韻三首	五
疊秋字韻酬徐子京感秋二首	五二
壽陳雋丞中丞母尹太夫人八秩四首	五三
壽劉蘋湖學博四首	五四
和州尊吳春谷留別原韻四首	五五
丁卯嘉平北上留別故鄉諸君子	五六
除夕津市作	五七
過公安	五七
過荊州	五七
襄陽道中	五七
庚辰二月升任岳州府教授留別臨陽學友七律四	

章……………五八

右臨陽存草計百十一首

庚辰九日偕同人登岳陽樓七律四章……………五九

辛巳孟秋之望適屆攬揆周甲之辰得七律十章示

家中兒孫輩……………六〇

閏中元爲鄙人閏六旬生日席間口占一首……………六四

戊子喜龍荔仙廣文莅西齋任賦贈……………六四

己丑贈巴陵西齋洪鑒真學博……………六四

謝李西墀觀察贈詩步原韻二首……………六五

秋日懷江華學博易曉峯同年二首……………六五

和巴陵鄭紫垣明府原韻二首……………六六



和岳州張松坪太尊同年留別原韻四首	六七
人日過郭功甫家賞紅梅三首	六八
答山左陳中丞雋臣同年二首	六八
辛卯九日西樓登高二首	六九
壽臨湘蔡陂丞學博六旬雙慶二首	七〇
辛卯赴澧陽驗看輿中口占并懷鄒杏老	七〇
壬辰春岳州鍾太尊延主岳陽慎修講席七律二章	
示肄業諸生	七一
迪吾六弟以所畫蝶屬題	七一
題迪吾女弟子張朗之閨秀自畫蝴蝶冊頁二首	七二
七十自壽七律四首	七二

酬嚴柅叟寄詩見壽……………七三

疊前韻……………七四

再疊前韻……………七四

壬辰重九陪鍾太尊暨同寅諸君子岳陽樓登高即

席二首……………七四

癸巳岳陽講舍枯柘復榮喜而賦此……………七五

壽巴陵學博曹侶蓀同年二首……………七六

題胥葆青學博看花飲酒圖……………七六

甲午春初小集象可伯兄宅晚宿迪吾六弟書齋歸

後喜聞迪吾得子時將赴岳賦此代柬……………七八

題象可伯兄百鴨圖……………七八

甲子上元後一日由家登舟晉省二首	七八
正月二十六日舟抵長沙	七九
苦雨	七九
留別長沙三首	七九
寄懷家暢九叔二首	八〇
十六夜泊琴棋灣對月有懷同鄉諸君	八一
甲午秋京友函告推升可得彭澤令促即入都賦三 絕答之	八一
甲午生日偶成二首	八二
偕楊雨穀茂才遊君山歸飲岳陽樓中二首	八二
再疊前韻二首	八三

- 喜嚴秬香學博由華容送試來郡……………八三
- 臨湘家杏笙院試前以扇索詩草以贈之……………八四
- 題蔡黻丞廣文夫人所遺蕉窗寄書圖三首……………八四
- 乙未重九陪鍾太尊暨同寅諸君子奎光閣登高二  
首……………八五
- 猴窠嘆……………八五
- 勸設因利局一章……………八七
- 戒打油火歌……………八八
- 戒匿名揭帖歌……………九〇
- 和鍾太尊巡團原韻八首……………九一
- 岳陽留別七律四章……………九二

歸舟雜詠八首	九四
抵家甫卸裝適象可伯兄來自龍灣留飲喜賦二首	九六
丙申秋耐冷山房詩文章梓成感賦二首	九五
右岳陽詩存草計百〇九首	
除夕	九六
元旦試筆	九七
立春三首	九七
春寒枕上口占	九八
寄嚴秬香山長二首	九八
消寒二會輪予主席代柬	九八

- 庚子上元後一日移居朗江書院……………九九
- 贈趙伯常太守……………九九
- 二月中澣送別蔡子陶分尹赴河南五古三十韻……………九九
- 遷居堯田別墅……………一〇一
- 家訓十首……………一〇二
- 移居堯田別墅口占……………一〇四
- 遷居……………一〇四
- 卜日遷居別墅先期由郡河買舟往甘灘……………一〇四
- 登舟似有雨意旋即放晴喜而賦此……………一〇五
- 舟近桃邑……………一〇五
- 舟次桃邑悵念故人向梅修同年郭蘭生山長……………一〇五

過潯陽坪悼亡女巧姑二首	一〇六
傍晚泊甘灘	一〇六
舟中有感	一〇六
舟中望綠蘿山二首	一〇七
二月携眷屬由甘灘入新居	一〇七
疊前韻	一〇七
園中摘得嫩茶兒輩取以供飲味亦清美賦詩志之	
二首	一〇八
朗江書院開學行將赴城感賦	一〇八
三月初九登輿往朗江講舍二首	一〇九
傍晚抵齋	一〇九

昨日精神飲食殊覺爽健今晨遠遜何反覆乃爾耶

雨窗寂寞拈筆作此……………一〇九

喜雨……………一一〇

五月初十諸生多乞假歸家余亦暫返堯田別墅輿

中得句……………一一〇

又五律二首……………一一一

書樓晚望……………一一一

抵家後老病彌甚感賦……………一一二

夜坐書樓有感……………一一二

登樓……………一一三

病中自嘲二首……………一一三



夜坐有感二首	.....	一一三
東巖秬香山長二首	.....	一一四
中秋日東秬香八首	.....	一四一
中秋回堯田途中五首	.....	一一六
又途中得句	.....	一一七
八月十九老病時作感賦	.....	一一七
夜大雨枕上成詩五首	.....	一一八
有感	.....	一一九
詩債	.....	一一九
日欲	.....	一一九
對鏡	.....	一一九

藝蔬……………一一〇

登樓……………一一〇

老耄不喜肉食……………一一一

述懷……………一一一

午餐後扶杖廳上小坐看書兩尻便痛雙目時昏仍

回房內乃知衰病老三字所致非盡病也自慰四

首……………一一一

樓頭小坐二首……………一一三

閏八月朔登樓四顧豁然開朗欣然得句……………一一三

閏月初三上書樓小坐不上已十日矣乃值狂風捲

地黃沙漫天愁慘氣象觸此吟懷得七律一首……………一一三

九秋已半百感紛投盱衡大局得七言絕句四首

一二四

閏八月初七日老身復病泄有感而作

一二五

自題養疴偶吟

一二五

右養疴詩存計百零二首

共計三百九十五首

# 耐冷山房詩存

武陵陳佑啟

脫虎口 有序

甲寅孟秋在粵東會土寇陷清遠縣城被繫土窟中  
匝月幾血其刃蘆苞人潘君盈昌力營救之始免於  
難作脫虎口誌出險也潘君與余無平生交以義出  
余尤可感故篇中三致意焉

烽火亘道塗艱難苦行役莽莽關月昏黯黯嶺雲黑狂飈捲  
地來陷身在荊棘奇險真萬狀日夜虎狼側閭里被兵燹老  
母髮垂白矯首窺南天飛鴻斷消息誰爲甘旨謀哀腸空惻

惻彌月土窟中沈疴復相逼已矣夫何言自分生路塞幸遇  
潘安仁假我乘風翼踪跡昧平生肝膽偶相值一朝脫網羅  
天地皆異色喟然發長嘆痛定思無極

過佛山

慘淡妖氛惡黃巾十萬餘可憐闐闐地都被虎狼居膽落驚  
弓鳥魂蘇脫網魚重關微服過殘照尙邨墟

抵羊城晤鄒杏巖刺史

甲寅九月十二日

相見猶疑夢蕭條海國秋餘生悲喪亂事業付窮愁淹滯歸  
心迫支離病骨留南雲不可望消息斷鴻郵

辭友招飲河舫

迢遞鄉關路四千歸途經歲阻烽煙鷓鴣聽罷腸都斷那有

閒情到管絃

遊海山仙館

珠江江畔仙人館，真個雲林畫幃開。千頃荷花香世界，館有軒額曰荷

花世界萬株楊柳碧樓臺。溪光山色自今古，扇影衣香各去來。我

亦狂歌登雪塔，塔最清涼可消暑消愁聊復一擎杯。

寄家書

飄泊嗟如此，家書下筆難。高堂何以慰，只可說平安。

登越王臺

西風吹短鬢，獨上越王臺。割據今已矣，英雄安在哉。笳聲邊  
字急，帆影海門開。歌舞岡何處，寒鴉日去來。

珠江泛月

潮落江水平雨過碧天淨山色敞雲屏波光磨月鏡三更風  
露清兩岸笙歌競返棹海珠臺登臨發高詠

遊十三洋行

國家柔遠人海濱許列肆舊章在廈門番漢互市易各安賓  
服心未萌覬覦志四海本一家豈爲征商利承平二百年因  
循誤計吏蠢茲南方夷浸淫入腹地嗟嗟珠江側蜃樓忽鱗  
次萬戶與千門出入難強識耳目炫珍奇制作矜詭異可憐  
億萬金逐日輸此類番舶益豐饒中土益窮匱履霜思堅冰  
隱憂抱寤寐

留別錢子英

還家空有夢一載滯羊城卻幸得歸路翻教動別情殷勤懷

厚誼患難感餘生後會殊難訂秋風淚共傾

飛來寺

珠宮臨絕壑千里自飛來下瞰江流急孤盤鳥道開白雲迷  
嶂岫殘照挂樓臺安得凌風去禪關訪辯才

次曲江縣

好風促歸棹十日泊韶關舊跡雙江認曲江有雙河分東西關浮生千里

還亂餘秋氣早裝薄客身閒從此踰梅嶺南雲指顧間

度大庾嶺

千仞雄關轟秋風匹馬過天梯躡雲霧古寺鎖煙蘿相業高

山仰此路傳為張曲江相國開勞人終古多山寺門聯門外盡勞人願將梅萬樹補種徧

巖阿嶺上梅甚少



過十八灘

一夜章江秋水生好風千里送舟輕天公憐我重經險十八

灘頭鏡面平

時脫清遠  
險未久

南昌舟次晚眺

西山無際暮雲浮煙水茫茫夕照秋旌旆影搖新戰壘鼓鞞  
聲逐大江流迢遙覓路憐征雁去住無心羨白鷗滿目蒼涼  
悲劫火滕王閣下一扁舟

次湘潭留別鄒杏巖刺史

患難知交誼經年嶺外居相依悲落拓此別更歛歛戍鼓湘  
門晚歸帆落照餘江波懷渺渺後會復何如

舟過龍陽

不信餘生在翻疑夢裏歸風塵遊子恨景物故園非稍喜鄉音近休論壯志違倚閭知望切打漿趁斜暉

荊門感懷

雄關鎖鑰重荊襄也付黃巾作戰場一帶人家餘瓦礫十年風景換滄桑狼煙未息多新鬼馬足重經又夕陽攬轡有誰攄偉抱澄清徒覺事茫茫

樂鄉次唐陳伯玉韻

卽故鄉杳無際一首現有碑鐫此詩在樂鄉村口

駐馬尋遺跡愀然共遠征黃沙迷曠野白日暗荒城舊國猿聲杳新村戍鼓平故園回首處煙樹晚鴉鳴

宜城道中

杜康臺畔舊曾經匹馬重來憩野亭夾道柳陰迎客綠萬畦

麥色入城青，輕塵微撲衫痕薄。  
春氣濃，添酒味，馨羸得新詩。  
歷行篋，高歌應有楚狂聽。

新野道中

平原莽莽樹蒼蒼，行路紆徐春晝長。  
酒色黃分新熟麥，鞭絲綠映古垂楊。  
迢迢大道長安遠，來去征輶過客忙。  
霖雨濟時誰可屬，倌人爲指臥龍岡。

博望驛題壁二首

擘畫中原大局成，茅廬初出此屯兵。  
天心默向三分定，賊膽先從一炬驚。  
魚水君臣徵遇合，江山今古重勳名。  
黃塵滾滾驅車過，疑是當年戰馬聲。

頻年烽火逼江天，蒿目東南倍悄然。  
幾輩出師能盡瘁，有誰

借箸可籌邊陣圖未解通盤變棋局偏遲一著先惆悵臥龍  
岡上望濛濛春樹鎖寒煙

舊縣曉發

喔喔晨雞聲迢迢征客路朔風薄綈袍殘月掛山樹驅馬過  
汝橋一鞭破朝霧石齒齧雙輪鐵蹄窘寸步筋骨苦撼搖傾  
欵滋悚懼山居亦多歡塵勞胡用慕祇爲飢驅來不療煙霞  
痼遙遙望長安人海爭趨赴遭逢會有期宜圖遠大務逸樂  
何可懷母使因循誤

渡黃河

霽景天開送遠征輪躡又別大梁城去來轍跡頻年認今古  
河流幾度清擊楫有誰懷士雅乘槎何日問君平茫茫人海

燕臺近好趁長風破浪行

陳橋新霽

雨餘晴乍碾征輪宿壻全  
消踏輭塵沙路潤回泉脈活溪橋  
泥漬水痕新天涯芳草懷知己  
古道垂楊解送人斜鞞吟鞭  
行得得且將鞍馬寄閒身

十二連橋四首

在趙北口風景如湘南而  
橋連十里又非家山所有

十二長虹碧漢通  
鞭絲帽影惜匆匆  
好風爲掃塵沙去  
收拾湖光到眼中

一鏡平開映遠天  
草苗青共麥苗妍  
若非帆影來煙外  
錯認沙湖作水田

柳絲斜挂碧粼粼  
堤畔人家住兩三  
竿立鷗鷁門曬網  
賣魚

風景似湘南

蛙聲閣閣送輪蹄喜見新秧出水齊  
十二紅欄都倚徧此身疑在洞庭西

遊玉螭橋二首

虹橋東去接瀛洲金碧迷離夕照秋  
圓嶠方壺環四面波光雲影豁雙眸  
煙圍柳色涵龍沼風送荷香入鳳樓  
一度憑欄一凝眺此身真作畫中遊

蓬萊宮殿水中央月榭風臺面面涼  
百折紅闌通御道萬重翠竹鎖湖光  
恍遊銀漢來天上徒羨金鶯近日旁  
自昔詞臣叨侍從鈞遊曾此奉君王

渡邢澤口二首

出都作

有志澄清尙未酬苦將回棹擊中流江頭誰息鯨鯢浪雲外  
遙看鸛雀樓瞥眼古今雙轍跡側身天地一扁舟乘槎再渡  
知何日百感茫茫夕照秋

回首桃花春浪生同舟仙侶結知新誰期燕樹秋風後我又  
巴山夜雨人

時將赴蜀

琴劍天涯知己淚輪蹄閱歷壯年身苦心

辭卻風塵吏

或勸余改職州判未果

或有長安未了因

澹津曉發

己未仲春六日

一笑輕滄海何愁蜀道難晴開人意健春入鳥聲歡詩膽江  
山壯閒身俯仰寬感懷在知己休認缺空彈

松滋道中

四圍山色裏天氣半陰晴野草有生意幽禽多好聲炊煙茅

屋接流水小橋平最喜民風古機絲軋軋鳴

枝江夜月

去年曾看長安月今夜枝江月又明惆悵天涯家萬里寂寥  
遊子夢三更楚山南望青無際蜀水西來白有聲對此茫茫  
紛百感關河十載愧浮生

江行

江山開畫本天氣又新暉浪靜縈痕直峯平樹色圍菜花黃  
入水苔髮綠黏磯一棹行歌去漫云知音希

感懷

出門甫半月夢境何迷離豈真鬼神幻遊子多苦思客歲走  
長安車馬恣騁馳金臺本人海材能集瑰奇我雖非鸞鳳敢



不惜羽儀老女重一嫁深淺學畫眉眉樣復不一畫恐難入  
時丹鉛共晨夕甘苦祇自知秋風逐大隊千里奮驥騏雲霄  
在咫尺騰蹕良可期漫云無伯樂清獻得我師回颺動地來  
坎壈益酸悲置之鈔胥列役役恥毛錐吁嗟五斗米折腰不  
屑爲盤殮甘苜蓿風雨擁皋比所幸真面在聊免塵網羈策  
蹇別帝京回首愴涕洟歸來歲云暮椒柏馨盤匝團圞坐年  
宴婦子環笑嬉家食亦足樂天涯復何之感懷重知己遠道  
何可辭里門四十日匆促又歌驪輕車就岐路餞者苦相持  
相持飲我酒躑躅前致詞艱難稱蜀道吁嗟叢險巖舟車兩  
不易慎旃歷嶮崎賤子謹聞命揮手向川湄延陵賢季札照  
人肝膽披聯舟泝江水棹歌和流澌朝霞盼玉壘夜月懷峨

眉壯遊頗不寂春風蓮幕吹胡爲昨宵夢夢中境參差情波  
逐起伏宦海涉渺瀰微茫復惘恍一一驚猜疑醒餘悟且笑  
神隨心轉移起倚蓬窗望滿眼燦晨曦

黃陵廟

在彝陵上九十里白馬黃牛均在其地

樓閣寒煙裏林巒夕照秋大江來白馬高峽轉黃牛疏鑿天  
功補乾坤廟貌留浣花溪上客曾此泊扁舟

少陵詩黃牛峽靜灘聲轉卽此

大沙壩

屬歸州

徧地皆頑石何年解點頭應教都剗卻萬里快行舟

空船峽

繚繞煙光望窈冥片帆薄暮上空船雲濤捲地花堆白風磴  
撐天壁立青極目斜陽揮短棹藏身大界等浮萍與誰策杖

凌高峽咳唾珠璣挂錦屏

青灘口號

人海茫茫利藪爭奔波終古不平鳴每逢狹地蛟虬怒慣作  
青天風雨驚竹箭中流催萬鼓桃花春漲下三荊從來利涉  
由忠信笑任扁舟自在行

牛口夜泊

屬巴東

西風吹不斷晚泊上灘舟野火紅山市江雲白戍樓潮聲中  
夜急燈影短蓬幽颯颯風兼雨方春宛帶秋

入峽醉歌

煙霏霏雲濛濛扁舟來從巫峽東下有奔湍倒河海上有羣  
峭摩蒼穹不行神女雨但號大王風風高帆飽浪花捲獼猴

怯走吼蛟龍四面迷漫一氈裏茫茫不辨十二峰峰搖杯酒  
酒落口狂歌吐氣亘長虹

界石

峽中東屬楚西屬蜀

楚蜀交關處危崖一徑分灘聲疑作雨石氣宛成雲  
溪市沽新酒山樓挂夕曛布帆煙外去猿嘯寂無聞

出峽次巫山縣

好風吹出峽山勢抱城來江水茫茫去雲帆幅幅開  
奇功傳杜宇舊傳峽路爲杜宇所開舊夢笑陽臺  
十二峰都過停橈再舉杯

夜雨

一夜巴山雨無端楚客情天涯仍躑躅時節又清明  
槐火家家夢灘流夜夜聲扁舟眠不穩坐伴短燈檠

曉發夔江

距雲陽廿餘里

昨日風聲峭今朝霽色妍山村開宿霧江樹淡春煙新漲三  
篙輒清歌一棹圓雲陽欣在望塔影照前川

和吳醉碧太守出峽作

舟居匝月且偷閒笑逐春波弄碧潺風引巴江新鷓首雲封  
巫峽古螺鬟盼殘鴉影渡旁渡嘯斷猿聲山外山卻喜使君

蜀道易

陸暢有蜀道易

聯檣穩度石門關

屬夔州即瞿塘最險處

碓硿門

屬順慶高入雲表出門皆懸縑而下

羣峭芙蓉碧雄關策馬過環山圍碓洞帶水繞巴河耕鑿遊  
民少

蜀中多囑匪惟此一帶甚少

桑麻沃壤多百年無戰伐此土樂如何

觀音巖

即碓硿半山之中

飛來靈鷲碧嵯峨小築琳宮拜普陀清磬一聲溪正午白雲  
深處老僧窠

宕渠道中

細雨斜風裏行行過宕渠泥香融蠟屐山翠壓籃輿折戟桓  
侯壘編茅賓女居夕陽開霽景虹采映林於

鹽井有序

井口圓徑七寸深十丈許截竹筒較井口而小者銜  
接五丈有奇不繫以繩削竹作片蟬聯而下上挽以  
轆轤歷三時久可得滷水二石水渾濁作硫磺氣煎  
之即成鹽訪之土人鑿一井須三數年始成盖用鐵  
條搗土鐵條中空土從空處湧出甚費時也一井資

輒數千金水或無鹽付之徒勞而已

烽火隔淮南運鹽苦道梗淡食良可虞幸有蜀西境蜀產亦  
自佳製造舊未審我自潼川來一路皆鹽井井底深十丈井  
面圓如餅截竹爲長筒續竹代修綆筒水激以機呼吸一氣  
緊汨汨筒底來千人輓轆引引滿傾濁漿齊付竈丁領開場  
萬釜排衆力如扛鼎活火煎經時晶瑩白如粉估客運之行  
價重調梅品聞道堀井初鐵椎相鑿打地狹力難施工繁時  
亦永試水不作鹹黃金擲虛牝大哉造物心寶藏無稍隱不  
有經始人後世乏標準智者創匪易巧者述維謹譬諸勤菑  
畚乃獲咏高廩人力補天功精華爭蔚炳

旅夜

兵燹半天下，因人作遠遊。時大江南北不靖均文章知己淚，烽火故鄉愁。  
窗潔月逾白，山深雨便秋。蕭條諸籟寂，吹笛忽高樓。

旅夜用少陵幕府韻

瀟瀟梅雨逗輕寒，燭剪巴山影未殘。  
寇盜又聞鄉國近，亂離偏及我身看。  
中原豺虎如毛積，滿地瘡夷托足難。  
盼斷音書家萬里，蕭齋何日夢魂安。

七夕

琴劍摩挲歲月增，星河耿耿夜光澄。  
每逢此夕偏爲客，自癸丑至今已未均在客中度七夕自笑頻年宛近僧。  
京雒塵沙留舊褐，瀟湘煙水夢疎燈。  
遙知朗渚鉞樓上，愁絕涼宵翠袖憑。

燈下



一燈如豆映金荷唧唧蟲聲相和歌底事夜來涼似水秋風  
偏覺客身多

卽事

日長無箇事歸思共秋深夜雨誰家笛邊風幾處砧編摩閒  
歲月鉛槧舊光陰又是槐黃候茫茫感不禁

遊貢院二首

院係前明  
蜀藩邸

忽忽秋風大隊忙錦城吹滿桂花香故宮爭說劉昭烈贏得  
今爲選佛場

甘苦由來識個中可憐四度遇回風此番壁上  
看酣戰淚灑青衫幾輩同

涼宵

秋思訴誰知唧唧寒蛩語一片風雨聲衾薄涼如許

中秋二首

容易秋光年復年幾家人月又同圓露涼竹徑花如幄雪淨  
晶盤藕似船飛鏡舊曾歌杜甫乘槎何日問張騫沅湘烽火  
遙相望獨對西風思悄然

今宵萬里陰晴共多少相思兩地同且醉梨花酬好月莫將  
桂子憶秋風新巢偶結看梁燕鄉信難來盼塞鴻孤負團圓  
此時節不堪回首十年中

自己酉起不在家  
度中秋者十年

重九偶成

絕少登高興蕭條歲月過頻年憎作客萬里感奔波鄉雁遙  
天杳疲驢舊跡多茱萸誰共把沈醉付狂歌

韃爲營次聽雨

己未九月中旬在  
督辦糧臺幕中

陰霾匝月鎖山城黯淡天光慘不明風急邊笳連遠塞雨零  
宵析咽殘更巖疆誰扼蠶叢險大地偏容鼠輩橫莫道將軍  
都解事邇來戎馬半書生

嘉州除夕

時賊距嘉郡數十里結營

鞞鼓聲中臘鼓傳驚心烽火逼殘年兩川建節思嚴武萬里  
登樓感仲宣關塞蕭條空歲序弓刀糜費擲金錢短衣匹馬  
人千里何日春風唱凱旋

春感四首

居然鼠輩也橫行秋去春來未罷兵愁對鶯花巴子國怕看  
旌旆漢家營陣雲黯黯長天色零雨瀟瀟永夜聲多少流離

歌瑣尾瘡痍誰爲補民生

養癰貽患苦因循籌饟籌兵重困民寥落萬家春慘淡繁華

雙井日沈淪

流貢兩井爲蜀中繁富之區

干戈誰挽天心轉梅柳虛逢客眼新

十載關河鴻爪跡蕭條無那錦江春

一曲饒歌幸解愁春風送響到嘉州前騶大纛推名將匹馬

長纓說故侯旆影亂搖香國夢笳聲吹滿錦江流漫將鄰壑

爲長計宵旰誰分西顧憂

毛錐碌碌歷涼炎分校軍書秃指尖忙裏竟忘春色早閒中

翻覺旅情添南天雁影音書寂東道蠶叢雨雪兼何日歸來

笳鼓競鄴侯萬卷擁牙籤

兩井卽事二首

塗炭悲雙井精華喪兩川米鹽資敵壘烽火度新年碧漬千  
門血寒空萬竈煙蜀西形勝地殘破亦堪憐  
此地承平久何人解用兵重關翻失險小醜竟橫行歲月嗟  
磨盾功名愧請纓將軍聊復爾大纛說西征

遣懷

壬戌孟春莅臨武任作

足跡半天下年來遊亦倦且張董子帷仍磨班生硯志業冀  
千秋窮通參萬變春風動牙籤晨夕擴聞見

紀事

有序

壬戌夏臨武荒斗米八百錢城鄉多不舉火陳生  
霽捐貲設粥廠賑之於是巨室聞而爭起相繼設  
廠全活無算是歲也荒不成災

臨陽邑踞山之阿壤僻區瘠田無多青苗未黃蓋藏竭比戶  
太息無如何兒啼女號出門去道路顛蹶涕滂沱社穀有倉  
倉久虛長吏束手徒踟躕面鳩形郭門外白土如粉強自  
茹是時斗米錢一千十家八九斷炊煙我無尺寸柄在手糧  
乏隔宿空張券矯矯陳生輕私財爲食待餓粥厥開十釜齊  
炊桑柘火玉色飴香無點埃男婦分棚各一勺鼓腹不轉飢  
腸雷高義感人人爭起相繼解橐呼嗟來計從開厥浹辰久  
從無餓葶沈蒿萊風俗如此亦良厚我爲感嘆重低徊吁嗟  
乎安得陳生千萬布徧荒歉地永令災區不聞鳴鴻哀

送翟誠齋刺史之官道州二首

循良自古屬中州數歲邊城仰運籌月朗魚庭懸玉鏡風清

雉堞保金甌

謂疊次遇警保全危城

筭班秀拔羣才集棠蔭春濃繡野留

信是南宮標碩望文章經濟總兼優

我來卻喜報鶯遷聽到驪歌轉黯然萬戶頌聲刊治譜一腔  
離緒託吟牋轅攀武水初垂柳琴撫瀟湘好種蓮翹首重關  
資鎖鑰酬勳會迓紫綸宣

齋中望月懷故里諸友

明月何皎潔清輝燭我床街柝來斷續不寐起彷徨河山多  
間隔伊人天一方橋梁自揮手都如參與商惟有故鄉月千  
里常相望相望不可卽飛夢枉水旁

雨後

凍雨逼山郭蕭齋涼欲秋嫩寒添薄簟新暑退高樓蛩語夜

逾急螢燈濕不流家山鄰澤國消息盼鴻郵

題錢蘭浦苕上念昔圖二首

沁水園開說故侯苕溪幾度弄扁舟  
祇今飄泊干戈際贏得湖山畫裏留

玉簫吹徧浙西東宮觀巍峩舊表忠  
海上潮聲江上月遙遙華胄仰清風

謝杜竹溪孝廉招飲二首

壬戌暮春

才名久耳杜樊川珂里相逢倍快然  
好水好山修禊地乍晴乍雨養花天  
芝蘭味洽清樽共桃李香濃絳帳懸  
時主雙溪書院恰好邊烽無箇事  
浣花溪上集羣賢

春風拂拂轉流鶯招飲頻叨地主情  
我輩琴樽猶嘯詠大江



南北尙兵爭

時江皖兩浙未平

漫嫌博士羊同瘦

竹溪曾官新甯廣文

卻喜閒身蝶

共輕屈指關山多舊跡  
又來武水訂詩盟

夢中得句感成一首

癸亥寒食前一日夢先父母如在家時醒後得雞豚莫逮養椎心空涕洟之句

家山隔迢遞一千里有奇  
先塋叢宿草未能親  
芟夷東風逼冷節惻惻寸心馳  
生徒告省墓中腸觸哀思  
含淚伏短榻夢境紛迷離  
高堂輝華燭歡笑生屏帷  
宛作孺子戲杖履常相隨  
兩老髮未白一一如生時  
遽然一枕覺沈痛空自知  
回首廿載前家事已中衰  
甘旨慮難繼橐筆覓饘醅  
老人憐遠客刻苦強自支  
日月曾幾何棄養不可追  
行年已四十始博升斗貨  
雞豚莫逮養風木增餘悲  
感歎不能寐披衣愴涕洟

九日登舜峯二首

時杜筠圃同年約登絕頂

天梯百級聳煙岑秋色西來萬壑深卻喜邊城都滌蕩又逢  
佳節共登臨靈泉宛帶清湘色山有泉極清韶石誰宣太古音舜南巡奏韶樂

於此遺石尙存

此會幸逢腰脚健居然絕頂許行吟

歸趁西風落照斜邊城如畫晚煙遮詩人屢憶黃山谷

謂黃熾吾

地主欣逢杜浣花苜蓿餐餘嗟老大茱萸醉把又天涯記曾  
詩酒酬高會蜀樹燕雲舊夢賒

和吳曉帆先生見贈原韻

忽逢新霽快如何况得新詩破睡魔季札高風原早仰維摩  
小劫偶然多邊城秋興生笳鼓邱壑閒情入嘯歌身世差同  
王海日一天風月任婆娑

和吳曉帆先生遊韓張亭原韻

遷謫何分主與賓山城信宿倍相親一封奏事同孤憤

韓愈與張曙均

因早上封事觸執政怒同貶邊城韓官陽山張官臨武

萬里投荒有偉人世閱滄桑煙外寺床

聯風雨夢中身空亭遺像今猶在藻潔蘋香武水濱

蕭齋四詠

撫松

大厦支持仗異材風霜飽歷歲寒來祇今閒散荒齋裏贏得  
摩挲日幾回

種梅

小春時節小園開乞得南枝嶺上來莫向石家金谷覓此花  
端合冷衙栽

蒔蔬

風雨閒身愧素餐  
攜鋤老圃足盤桓  
菜根有味休空嚼  
肉食諸公領略難

釀秫

蕭齋雅集有羣賢  
屢欲行沽乏酒錢  
有秫幸堪資薄釀  
一樽消受早寒天

續蕭齋四詠

補垣

數椽齋舍慣欹斜  
颯颯西風打冷衙  
笑我疏籬何待補  
一庭明月半園花

捲簾

吟閣沈沈畫幙遮  
簾波秋入楚江賒  
呼童捲起邀明月  
收拾

雲山到晚衙

步月

風靜邊城寂不譁  
階前竹柏影交加  
等閒領略空明境  
何用挑燈障碧紗

觀魚

生機領略靜無譁  
髣髴濠梁寄興賒  
一度憑欄一回首  
故鄉煙水養漁家

癸亥除夕

羲馭騁颺輪晝夜無停轡  
茫茫大界中側身渾如寄  
旣非振翮鵬聊爲伏櫪驥  
回首移家來歲華忽兩易  
舉室大團圓屠蘇恣一醉  
餞舊以迎新  
鐙燭輝騰瑞我本隨遇安  
庶免俗情

累聞雞肅衣冠陪逐朝天騎

甲子元旦

爆竹聲喧夜嚮晨歲豐景色雅宜人平安是福他何計俯仰  
無慙樂最真到處捷書頻送喜中興文治慶同春東來紫氣  
騰朝旭甲子從頭萬象新

春仲送吳曉帆先生之嶺南二首

記曾浪跡到羊城風物居然似帝京覽勝定知攄雅抱臨岐  
總覺惹離情檣帆燕集三春穩桃李花開五嶺明

高足聶亦峯現  
官嶺南太守

料得黃堂高弟子蒲輪早已備郊迎

春來杖履正康強更喜烽煙靖海疆好借江山搜妙句還期  
珠玉壓歸裝尉佗遺蹟星霜古季札高風應接忙屈指言旋

當不遠櫻桃花底待飛觴

和曾孺溪遊雙溪書院

叨陪杖履喜同方閒步郊垌趁晚涼  
山色張屏開畫本溪流夾鏡繞書堂  
夕陽高柳蟬添韻新水平疇稻送香  
我輩行歌聊適意河山征戰莽蒼蒼

時江右多警  
楚邊戒嚴

署南有軒歲久將圯葺而新之消夏其中得十二詠

竹牀

攜來湖上綠筠牀移就松陰小憩涼  
一枕曹騰酣睡足好隨清夢到瀟湘

茗椀

蒼頭摘得嶺頭茶風味蒙山比不差  
活水一瓶笙韻歇滌除

熱惱勝浮瓜

葵扇

何必齊紈製造工  
蒲葵裁就也生風  
居然造物權堪奪  
一片涼歸掌握中

菸筒

消夏如何用火攻  
淡巴菰薰小金筒  
偶然文思還嫌滯  
也藉清香一縷通

品詩

千古難磨是性情  
漫將門戶苦相爭  
我今一卷消長晝  
無數詩朋與送迎

觀畫



恨無脚力窮林壑，卻喜張屏作臥遊。  
宛向石磯西畔去，一簑煙雨釣人舟。

讀史

百代興亡等一杯，盛衰倚伏最分明。  
消磨長日如觀劇，每爲孤忠作不平。

時讀明史楊左諸公列傳

肄書

生平最拙是塗鴉，墨瀦淋漓雨脚斜。  
卻笑嗜痂偏有癖，居然搜索到薑芽。

掃地

蕭齋喜傍柏陰清，窗几原無俗藪生。  
落葉半階閒自掃，要將心地共光明。

澆花

噴壺自把晚涼天  
滋養名花似養賢  
到眼許多佳子弟  
一番培植最宜先

玩蝶

悠然衫履渾無事  
蝴蝶飛飛日上階  
莫問是莊還是蝶  
得安閒處便爲佳

聽蟬

高唱由來得氣清  
逢秋豈作不平鳴  
解吟風月尋常事  
難得纏絲寄託情

簡復故鄉諸君子五首

秋光容易到搔首  
對西風壯志千人熱  
浮名一世空生涯  
甘

屈蠖事業付雕蟲促駕勞良友殷殷感寸衷  
莫道長安遠曾經兩度居雄心銷老驥陳跡感疲驢  
臺畔塵沙驛路餘毛錐空碌碌贏得作鈔胥

五度蓬山近回風感不禁文章遭薄命身世重知音  
流水三秋夢高山一曲琴頭顱今老大多負故人心

文字曾何用干戈尙未休空言難報國浩劫幾經秋

時楚北江  
右均戒嚴

幻夢羊頭冷餘生虎口留粗衣兼糲食得此復奚求  
冷宦已三年閒身寄一甌星霜添短鬢風月入吟肩  
尋樂堪隨地委懷且任天南窗初構得高臥正陶然

簡故鄉蔡子陶博士三首

家山懷一別流水忽三年夢轂隨颺轉詩情借雁傳  
平安新

竹好格調老梅妍來詩一卷  
格調皆高問字如相對春風硯席邊

窮愁原玉女漫作不平鳴秋興三十首  
多牢曹語寶鏡磨逾朗金丹煉乃

成春濃芸草馥秋近桂枝榮遠道跂予望鞭宜著祖生

愧我生涯冷空增老大羞吟身閒似鶴官味淡如鷗稍喜邊

陲靖聊資升斗謀分甘新得趣堪以慰同儔時新添  
長孫

### 簡藍山羅子模大令二首

久從輿頌仰循聲儒雅翩翩五馬榮家起西陵推世族符分

南國重邊城風清繡野棠千樹月朗公庭酒一罌深羨同儕

依廣廈蝶階披拂有餘情

屢欲登龍愜素心羅浮有約到而今翻勞征雁遙相訊祇覺

疲驢愧更深風雨瀟瀟縈遠夢雲山莽莽感知音待將天氣

新秋爽策蹇來聽宓子琴

題脫塵子詩集

妙境誰知在眼前登臨詩袂振翩翩  
雲山有幸逢真賞翰墨留題結夙緣  
信是鳶魚都活潑豈徒風月事雕鐫  
道心本卽詩心寓勝讀南華秋水篇

題西溪散人詩集

雲水光中洗眼來用舊句偶逢林壑亦徘徊  
虎頭畫幖隨時得散人驢背詩情到處催  
留詠有緣成絮果樂遊無地不蓬萊  
湖山秀氣君真奪萬朶青蓮幕裏開

題樂眞子詩集二首

披君畫卷讀君詩管領溪山筆一枝  
清氣撲人難舉似碧梧

庭院月來時

一邱一壑尋常事每遇騷人便不同名勝由來隨處有都歸  
長吉錦囊中

題同聲集

黃熾吾張希樵李蓮丞喜山水  
遊跡到處輒紀以詩曰同聲集

聯翩詩袂下蓬萊手把芙蓉不染埃著屐都航康樂癖登樓  
同是仲宣才閒雲野鶴幽情寄明月清風雅抱開山水因緣  
酬唱趣高軒不負武夷來

贈杜寶田學正

自別浣花叟匆匆忽十年重逢驚老鬢相對憶吟肩多病成  
高志論文悟夙緣窮愁宜掃卻珍重養生篇

西郊散步

西風動山郭颯然秋氣深散步出郭門山光青上襟蟬聲咽  
遠樹樵語歸平林黃雲捲四野籌車娛蒼黔俯仰殊各得大  
哉天地心聞道五年前孤城邊騎臨登陴不遑食干戈苦相  
尋我來幸無事絃誦有餘音人償室家樂邊乏桴鼓侵藉此  
足高枕懷抱寬古今林壑開圖畫曳杖恣行吟薄暮獨歸去  
墟煙蒼翠沈

聞官軍收復金陵二首

秦淮十載苦鯨波忽報江南露布過狂寇已無餘壁壘將軍  
新復舊山河上元景運從頭轉餘孽游魂破膽多從此國威  
霆一震海隅也識有天戈  
蟲沙百萬化爲塵浩劫茫茫夢裏人羣盜甘罹鋒刃慘中興

自有帝王真大江東去風煙靜秋色西來茄鼓新還望平淮  
裴晉國瘡痍取次補斯民

八月七日作

秋闈例以此夕入場

桂圃播秋香看花忙大衆駑馬爭驥凡鳥競鸞鳳顛倒豈  
能無冥漠有操縱多少邯鄲人今宵方入夢

十四夜月

一片空明境三更獨步時秋光隨處滿清味幾人知得趣都  
忘曉耽吟亦費思來宵應更好相對泛瓊卮

十五夜月

三載荒齋裏今宵快大觀關山光洞徹兒女話團圞漢影橫  
空淡邊風入夜寒鄰氛還未息幾處照征鞍



十六夜月

今夕光仍滿虛窗手自開吟身來粟界舊夢憶瑤台螢燄閒  
階閣鴻音遠塞催吾徒攀桂者知正話歸來

九日登秀巖步吳太翁韻

環山如堞四圍周

洞外山如城圍

聯步仙巖最上頭詩酒放懷曾幾輩

洞天遺跡已千秋壺中風月隨時變

洞內多石笋不可方物

潭底魚龍伏

地流

洞外潭水清絕來去皆伏流

多少幽奇探不盡與君吟債未能休

署桂兩株過時未開疑以散材老矣小陽初吉忽而垂

葩結蘂清香四溢殆榮爭晚節者耶賦此美之並索

同人詩

屈指秋風消息斷繁華色相已全忘誰知樹老標新豔翻覺

花開歷衆芳，絢爛原須爭。晚節幽貞終，莫閤奇香漫。愁遲暮，無相賞，替向騷人乞綺章。

和吳曉翁菊花原韻

傲得霜華占九秋，及時絢爛足銷愁。儘教一笑常開口，爲惜孤芳滿插頭。花擁潘輿詩積藁，香添陶徑客登樓。西風莫動尊鱸思，多少餘榮晚節留。

招友賞菊

賞心各有真位置，亦天定卓哉。高隱士華讌，豈相稱不腆。苜蓿盤且開蓬蒿徑，看花得其意。奚侈色香勝，所欣臭味同。聊與遣幽興，或爲元亮醉。或爲屈子醒，放歌以寫懷。醒醉可兩聽，主客混爲一髻。蘇語足證濁酒，酌東籬來秋香早孕。

臨陽學署對菊述懷四首

澹菊如幽人託根在空谷孤芳可自賞無心慕華屋一朝羅  
致來荒齋散芬馥幸免塵市喧留爾真面目  
君子善全交始終一以澹同抱素秋心氣類尤相感晚節豈  
自矜高格不能掩臭味無差池何啻傾肝膽  
穠華世匪稀所苦不免俗俗真不可醫瓦缶勝金玉性情無  
陶寫文章亦繁褥寒香兩三枝風雨景高躅  
名卉徧芳園春風有餘德獨爾飽霜華經寒轉增色豈真傲  
骨支得天原秀特末路重操守用殿衆香國

題春園漁樵耕讀圖四首

眼底濠梁寄興賒漁兄漁弟樂生涯浮名一笑都拋卻釣罷

歸來每日斜

丁丁響苔碧雲間一徑樵風共往還  
人影夕陽天欲暮滿林黃葉下秋山

不動邊笳已數年牧童牛背可安眠  
杏花村裏催耕日風景分明在眼前

最好兒時淪性靈淵源家學在傳經  
春風百尺高樓望玉樹森森花滿庭

輓湯烈婦二首

婦沅江王成律茂才女年十八適龍陽湯氏子越歲夫故葬畢自刎以殉婦翁湯君又新官永興學博徵詩

逝波無計挽沅東腸斷麻衣淚染紅  
一死頓教人紀重千秋幾見苦心同  
刀鋸宛盡孤臣節巾幗猶存烈士風  
多少鬚眉草間活有誰能不愧閨中

身世無能諸伉儷，泉臺誓與伴松楸。祇知大事從今了，豈計  
芳名到後留。鵲血碧增滄水色，鴛墳青鎖竺山愁。嶙峋綽楔  
標官道，奇節堪風末俗媮。

九日登東山偕杜筠圃羅鳴岡諸君暨兒輩冒雨躋絕  
頂兼懷吳曉帆先生八首

東雲嶽嶽蟲清秋，聯袂同登最上頭。冒雨衝風都不管，要憑  
風雨盪吟眸。

城郭千家可俯臨，峯巒面面豁塵襟。眼前多少佳風景，底事  
扶筇別處尋。

浣花行矣

杜竹溪因事未至

又樊川

謂筠圃

唱和都關翰墨緣，寄託不同清

興一高歌遙起四山煙

湘水琳瑯話楚南，翩翩詩袂振羅含。謂鳴岡會心須在鳶魚外

好向水窮雲起參

去年今日鳳巖遊，曾與延陵樂唱酬。惆悵一帆天際遠，雁書

難達海天秋

吳曉翁時  
客嶺南

淵明紙筆勗兒曹，閱歷須求見地高。努力峯頭休止足，欲居  
人上莫辭勞

我來四度歷秋風，觴詠情懷幾輩同。極目故園煙水外，何人  
相憶付詩筒

挈榼提壺逐隊來，恰逢丹竈火初開。元都再訂明年約，還把  
茱萸醉幾回

次吳蓬閣世丈感秋韻三首

春風迎五馬轉眼忽新秋繡野安絃誦琴堂樂唱酬循聲盈

武水雅操重湘流世澤留貽遠傳家有狀頭

尊甫淪齋中丞丁丑修撰

枳棘棲鸞鳳感懷天地秋鯤鵬程自遠霖雨志能酬連日祈

甘澤清風振末流回天資巨手嘉澍沛雲頭

孔李通家誼淵源六十秋

先祖選拔座師健菴少宰即丈之大父

新歡叨又結舊德愧

難酬樾美分清蔭河深納細流恨無樓百尺空對月當頭

氈鐸生涯冷虛逢五度秋短吟聊自遣佳句未能酬梧館涼

颺引棠階雅韻流陽春難得和學步此從頭

疊秋字韻酬徐子京感秋二首

快逢徐孺子吟嘯動高秋虎口行原壯

曾經賊難

龍門志定酬一

家湘水月千里皖江流深羨東南美蓮花燦筆頭

我亦曾爲客關河十度秋閒枝聊自託壯志未能酬歷歷家  
山夢茫茫歲月流騷壇欣接席學步武溪頭

壽陳雋丞中丞母尹太夫人八秩四首

天開壽宇際高秋蓉嶺張屏瑞靄浮星燦錦堂懸綵輓月明  
瀛海晉仙籌和熊往日雙珠樹挽鹿遺風百尺樓家慶國恩  
酬晚節緜緜福履備箕疇

桂花香裏祝長春尹姑門高孰與倫寶笈千年眞壽母珂鄉  
八座太夫人萊衣慶衍壬林集華黍歌調酉瑄新最好循陔  
添樂事東南早已靖邊塵

杖履依依季子賢辭榮乞養志能堅

中丞時乞養在家

儘教富貴浮雲

淡不負庭闈愛日妍慈竹平安娛永晝貞松勁健合長年更



看牙笏牀頭滿林下蘭陔樂事全

捧觴護閣識慈顏世誼叨隨舊筭班放鴿曾來千里外祝鳩

又到十年間

丁巳曾以詩祝太夫人七旬壽

焜煌象服宮霞簇次第鸞封湛露頒

轉盼嶽圖開百歲臺萊長此頌南山

壽劉蘋湖學博四首

早欽碩望重梅城經世才華間世英藜閣文光騰太乙薇垣  
佳氣接長庚韓韜范略藏胷壯潘藻江花照眼明多少勳名  
垂梓里暫將氈鐸屈先生

猶留本色是儒官莫漫相嘲苜蓿盤晚節添香因耐冷蒼松  
得壽爲經寒鄭虔階下頻吟蝶楊震堂前合集鱣何幸與君  
來共楫同心占得吳如蘭

壽宇欣開十月天梅花嶺上得春先文昌輝入遷喬後武水  
觴稱服政年案舉梁鴻眉並介庭飛薛鳳翼相聯還聽竹報  
孫枝發家慶頻添樂事全

此來恰好頌南山桃李門開日往還愧我霜華添老鬢喜君  
風度駐童顏登樓頗樂邊塵靜把酒都教俗事刪更望壽身  
兼壽世三台早荷詔書頒

和州尊吳春谷留別原韻四首

隆隆勳望起襄陽何幸台星照楚湘渤海循聲高兩漢少陵  
詩格冠三唐膏流綠野民安業春滿黃堂歲屢穰自古風流  
名太守文章經濟總兼長  
屬吏咸欽表率端茫茫宦海靜波瀾豈徒季子家聲舊更作

文翁治譜觀座挹謙光名分略堂開復見主賓歡芙蓉山下  
芙蓉發好比甘棠歲歲看  
由來學仕兩稱優信是賢長繼汝鳩邊微鼓桴連歲靖寒山  
桃李賴公收庭魚冰潔羊興祖竹馬風清郭細侯桂水泠泠  
流澤遠去思先向口碑留  
輕寒輕暖釀花天應許攀轅緩著鞭驥展九衢酬遠志鸞棲  
兩載屈名賢得瞻霽月知何日重被春風定有年匏繫一甌  
徒悵望湘波淼淼鶴隨船

丁卯嘉平北上留別故鄉諸君子

臘鼓催年緊天涯尙遠征凍衾拳短榻朔雪攪殘更壯志重  
教熱中原未罷兵春官聊一上偏惹別離情

除日津市作

回首故鄉猶咫尺澹津便覺是天涯  
恰逢除日新開霽賴有良朋免憶家  
旅館盃盤添柏葉長途景物只梅花  
帝城遙隔三千里好趁春風早上車

過公安

白葦黃蘆外荒城落照斜昏鴉盤曠野  
疲馬踏平沙投宿知何處安居有舊家  
吾徒行役苦休與共咨嗟

過荊州

名郡開秦代雄疆抗上游戰爭成往事  
風雅匯名流今古遙情寄江山舊跡留  
北來消息好何用賦登樓

襄陽道中

重飲宜城春酒香又隨春色過襄陽亦知遠道輪蹄苦轉愧  
浮名老大忙裘帶風流懷叔子江山畫意得元章寒鴉幾陣  
催殘雪曾否飛花到故鄉

庚辰二月升任岳州府教授留別臨陽學友七律四章

抗顏愧擁鄭公甕彈指流光十九年鱣閣初來猶壯歲龍巖

久住竟華巔科名敢詔傳衣鉢到臨後及門士舉賢書登拔萃  
貢優行及遊庠共四十餘人志業難

忘事管絃忽報岳陽開講席春風無限別情牽

漫道閒曹可素餐人才維繫是儒官職期克稱談何易事在

當行敢憚難輯修學宮  
縣志彰闡幽光及泉壤舉報前明以來  
未旌節孝數百平反冤獄到

孤寒請平反學  
中案數起獨慙樗散渾無似卓薦曾邀一鶚搏

古柏雙株瑞靄凝署有兩柏高十  
丈數百年物平安兩字幸堪稱年將周甲身

猶健家屢添丁累轉增陶徑待尋三友約蘇湖翻獲一階升  
分襟聊借卮言贈品學交修貴有恆

一聽驪歌淚欲彈別離真作故鄉看送春剛醉醱醱酒遷地  
仍開苜蓿盤後會原知他日有臨歧偏覺此時難諸公快振  
鷗鵬翻八百湖天拭目觀

庚辰九日偕同人登岳陽樓七律四章

湖山四顧莽蒼蒼樓閣崢嶸俯岳陽秋色西來天地老大江  
東去古今忙日斜遠映雲帆白風緊初飛木葉黃躡足崇臺  
愁北望蕭蕭戰馬近邊牆時有夷警

我來正滿湖心月余於中秋抵任千載名樓恰落成府尊重修岳陽樓成盛事重逢  
滕太守朗吟誰步呂先生澧蘭沅芷搴芳思湘瑟騷經據古

情卻笑冷官真吏隱半耽蘿薜半簪纓

醉把茱萸一倚闌湖天八百入簷端自應詩酒酬高會如此  
江山乃大觀雲夢吞來誰下筆煙波佳處好垂竿鄉心兩地  
隨征雁驛路迢迢極目看

翩翩仙侶快同舟領略平湖一片秋紫蟹黃花重九宴金尊  
玉笛洞庭遊霜華短鬢頻催老風味閒曹自寡求攜手登臨  
恣嘯傲肯教孤負此勾留

辛巳孟秋之望適屆攬揆周甲之辰得七律十章示家  
中兒孫輩

洞庭春色釀壺中滿酌玻璃秋更紅老鶴籌添滄海外閒鷗  
家徙大湖東愧居師席膺鞞鐸喜值豐年協雨風周甲歲華

今忽屆半生遭際信天翁余往往履險如夷若有天幸

吾家世澤頗緜縣長潛水移來朗水旁先世隸湖北潛江遷祖字瞻科

第百年仍接續太高祖次方公由賢良方正科官福建漳平羅源等縣知縣伯太高祖元明公由雍正己酉科亞元官湖北建始知縣伯太高祖精齋公

由乾隆庚午科舉人官長沙府教授高祖虞衡公由庚午舉人聯捷辛未進士詩書九

官河南尉氏知縣本生祖春浦公由嘉慶癸酉拔貢官山西孟榆次等縣知縣

葉著賢良自遷祖康熙初移家武陵現已九世閩中祠報郇公黍次方公官閩省多惠政民建生祠河上陰

留召伯棠虞衡公官豫省時循能著河南北此外三秦兼百粵更饒政蹟紹龔黃

曾祖惠中公官廣東大埔知縣有政聲先大夫古初公官陝西褒城西鄉等縣知縣清慎勤能膺卓異嘗曰官雖窮一法不枉一錢不愛祇期以清白貽子孫而已

繡襍騰輝溯始基孟山高峙燦秋曦余生於本生祖春浦公孟縣官署阿翁京兆

槐忙際先大夫古初公時以宛平諸生應京兆試大父河陽花滿時垂愛真如珠在掌陳

情難待雪盈髭本生祖年逾五十即棄養余甫六歲難忘更有康成氏宅相貽來桂

一枝外祖鄭公諱起昌山西戊辰解元官靜樂教諭與本生祖同寅遂聯姻好



高堂侍奉憾無緣，腸斷我詩卅八年。

甲辰先太宜人見背乙卯先大夫棄養先太宜人治家嚴雖從先大

夫宦遊不忘勤儉，回里後益躬親紡績中饋。滌紕督率家人未嘗告瘁，賢聲實著里黨焉。

升斗幸霑難逮養，松楸遙隔

感華顛顯揚，莫遂清班願。願復奚酬罔極天，若使椿萱都健

在萊衣春透鄭公甍。

記曾隨侍遊關隴，百二山河策馬征。繼此幽燕三度去，

庚戌朝考戊午

順天鄉試戊辰會試

又兼蜀粵兩番行。

應吳粹碧觀察之聘辦理蜀營文案又鄒杏巖刺史延聘辦理榔澧廣東書記

風塵辛

苦身嘗徧

風寒暑濕病患驚險一一皆備歷焉

雲陞文章刻限成。

戊辰在保和殿覆試一等催恣甚急

獨有

珠江經虎口，後來歲月是餘生。

甲寅子役廣東行至清遠紅巾破城幾被害

管領詞壇號葛仙，童軍冠我感當年。選樓珍重班居上，秋鑑

光明秀擢先鹿宴，分香邀特賞鸞台。校字賴名賢，平生知己

良難報，伯玉空吟寶劍篇。

幅帷提命荷恩慈十載相依只述師從叔祖述堂師遊訓誨周摯十有餘年恆以遠大相期孤

負驥騏千里譽徒吟蝴蝶一章詩律吹暖谷懷高義縞贈延

陵感舊知細數殷殷師友誼安仁尤切二天思

喜將鉛槧伴居諸翰墨難忘結習初文字有緣同骨肉編摩

無盡耐菑畲放懷聊藉湖山壯得意何妨嘯咏舒檣散恐孤

民社任曾經兩度謝除書

無端鬢鬢染霜華老景婆娑興致差瘦守寒梅情已慣旁生

甘蔗累頻加兒孫嚴教方成器兄弟相親自起家擬待蘇湖

清俸滿買山種藥樂煙霞

五旬雙慶在臨陽珠玉連篇壓錦囊時門下士以詩歌製錦為壽約百餘首轉瞬庚

辛添十稔從頭甲子舉千觴眉齊翬翟秋彌健膝繞芝蘭春

正長差幸近來增矍鑠團圞華月照鱣堂

閏中元爲鄙人閏六旬生日席間口占一首

閏增桐葉展清秋最好光陰爲我留舌底藎辛原已慣眼前  
花甲宛重周又看月滿中元節祇愧風高百尺樓蝴蝶階前  
蝴蝶會蕭齋羸得酒添籌

戊子喜龍荔仙廣文莅西齋任賦贈

相逢握手渾如舊一見談心便率真大阮燕台懷雅誼老虔

鱣閣愧閒身

庚戌曾與令伯  
碑臣先生訂交

惠風入室芝蘭馥佳日臨階蝴蝶親

從此同舟期共濟三生石上有前因

己丑贈巴陵西齋洪鑒眞學博

權奇倜儻不凡才翻荷停車問字來竹有虛心標勁節梅無

俗骨占春魁屢以文藝見質  
嗣登甲午賢書風雲變幻詩情拓冰雪聰明慧業推

文字因緣山水趣大湖壇坫喜今開

謝李西墀觀察贈詩步原韻二首

匹馬長征溯盛年西平威望壓班聯輕裘緩帶當時譽考獻

徵文冠世賢

時修  
府志

梓舍清標誇五鳳蘭台佳兆勝三鱣君家

伯氏叨同譜感觸苔岑歲月遷

錦篇飛到荷先施愧我邯鄲學步遲駒隙虛過周甲後鳩扶

彌惕拜庚時羨君共說曾羅宿愛我還歌齒有兒好待梅花

開徧後與公觴詠笑開眉

秋日懷江華學博易曉峯同年二首

記曾同就春官試轉眼流光十五年漫道文章爭福命

戊辰會  
試與君

同備 中 即今唱和亦前緣雲山悵望常千里苜蓿生涯各一天

聞在邊城桃李盛蘇湖風鐸鄭公甍

太原譽望重維桑文獻爭推著作郎愧我樗材疏四術愛君  
椽筆備三長蒹葭秋水懷江上鴻雁西風度岳陽聊借吟牋  
通問訊何時樽酒話行藏

和巴陵鄭紫垣明府原韻二首

中州清淑毓人豪風骨崢嶸振楚騷此日循聲同嶽峻當年  
文譽比嵩高楷模久樹賢書望衡鑑咸欽著作曹玉潤蘭芬  
誰得似時令子並其壻從遊英英庭館濟時髦

卅年風雨耐寒氈三絕何能望昔賢顧曲不嫌巴里調吟秋  
同上洞庭船材因樗散方成老路指鵝鴻得要先差幸同遊

多得雋敢矜衣鉢有心傳

時門下方  
平伯中式

和岳州張松坪太尊同年留別原韻四首

曲江風度玉堂仙坐鎮湖山賴大賢  
比戶春濃風自暖訟庭秋朗月常圓  
膏流郇伯頻豐稔化洽文翁普誦絃  
吏靜民安逾十載去思爭聽口碑傳

西樓重構甫成功多少經營意匠中  
老杜乾坤雙眼闕希文憂樂寸心同  
平湖淼淼波偏起宦海茫茫變莫窮  
世事盈虧原不定分明得失看雞蟲

逐逐浮名總俗塵何如樂事敘天倫  
北堂護草臻遐算南國甘棠有替人

哲嗣官  
江右

澱水柯山堪訪舊蘭芽玉蘂正懷新  
歸舟

穩載光芒大金石書成已等身

著有金  
石攷

一甕移自洞庭西披拂春風荷品題敢道萃科曾附驥怕聽  
蘭浦遠歌驪南湘小草閒鷗伴上苑高梧老鳳棲聞將內用但願  
爐煙雙袖滿岳陽重到認鴻泥

人日過郭功甫家賞紅梅三首

生成玉骨本珊瑚偏作紅粧耐晚寒銀燭當筵花四照教人  
錯認海棠看

艷說仙人綠萼華好風吹送到君家狂奴故態休唐突十斛  
珍珠遜此花

笑我情懷老尙濃無端綺語對春風願花長好人長壽共覓  
丹砂向葛洪

答山左陳中丞雋臣同年二首

中丞移節古齊州安集鴻嗷賴運籌保障上紆宵旰慮賑蠲  
更解溺飢憂治黃久已陳三策建白今彌仰大猷泰岱出雲  
天下雨閒身引領岳陽樓

殷殷舊雨感苔岑又得郇雲一朵臨迢遞河山難握手往來  
魚雁當談心遠貽藥石關情切疊誦瑤章託意深彼此鬚眉  
非昔日幾回東望起遙吟

辛卯九日西樓登高二首

滿城風雨釀高秋畫裏湖山水墨幽方愧駑駘仍戀棧卻欣  
腰脚可登樓蒼茫江海懷薪厝莽蕩乾坤抱杞憂且把茱萸  
同一醉十年鴻爪此勾留  
聞道星門藥榜懸雞蟲得失可隨緣先傾菊盞酬高會遙聽



萃筮宴衆仙紫蟹黃花娛老景風帆沙鳥淡秋煙樓頭再定  
來年約又譜新詩入管絃

壽臨湘蔡黼丞學博六句雙慶二首

南山佳氣萃鱣堂絳帳高懸共捧觴洙水賢書推上考洛陽  
才調擅中郎大江東去文瀾壯秋色西來春酒香弧輓相輝  
雙鶴舞黃花晚節正流芳

經師艷說蔡千秋況又人師品望優老性凌寒松柏健清芬  
繼美桂蘭稠蕤湖綵戲階飛蝶芹沼賓筵杖祝鳩何幸我逢  
觴詠樂分牋同上洞庭舟

辛卯赴灃陽驗看輿中口占并懷鄒杏老

四十年前橐筆遊重來景物換雙眸博將俸米清如鶴老去

名心淡似鷗殘雪未消黏嶺碎峭風漸覺拂衣柔巢痕簾影  
渾如夢腸斷當時吹律樓

壬辰春岳郡鍾太尊延主岳陽慎修講席七律二章示  
肄業諸生

夙從鹿洞景遺規早爇心香一瓣持教澤蘇湖歸實用名山  
壇席愧人師談經敢詡風生座勤學還當雪映帷治行文翁  
比鄒魯莫教孤負長官期

器識居先文藝後銜華佩實兩宜求理探濂洛淵源遠學造  
河汾體用優莫讓此心閒片刻要爭所業可千秋一堂四邑  
菁華聚努力儒林遠大謀

迪吾六弟以所畫蝶屬題

栩栩紅紅碧碧中斑斕舞徧好春風  
生來都是探花使得意文章一樣工

題迪吾女弟子張朗之閨秀自畫蝴蝶冊頁二首

團團小隊逐香風吸蕊餐英醉碧叢  
縱有臨川三百首吟來總遜畫來工

淨洗靈犀絕點埃繡餘乘興畫圖開  
蘧蘧描盡南華意甯數江東詠絮才

七十自壽七律四首

時辛卯七月之望

西風搔首感華巔卅載寒氈愧鄭虔  
觴咏聊尋今日樂弧懸虛度古稀年  
駑駘棧下原非戀蝴蝶階前且任天安得桃源  
伴漁父徜徉權作地行仙

椿蔭護花早歲凋愴懷愁聽雨瀟瀟修名但願生無忝循分  
何曾福妄邀俎豆先芬明祀事詩書奕葉賴根苗最憐鞠我  
恩難報腸斷莪詩誦此朝

前歲回籍  
修葺支祠

一枝仍借岳西樓領略湖天八百秋吏隱儘堪資嘯傲身閒  
總爲寡營求半生投紵多青眼幾輩論交各自頭笑問南飛  
滄海鶴可能爲我大添籌

竹莊拋卻債臺平客少敲門夢寐清析箸原期知稼穡讀書  
豈但紹簪纓家敦孝友春常駐人耐艱辛業始成爲語兒孫  
齊努力汝曹養志勝稱觥

酬嚴柅叟寄詩見壽

慙增馬齒託蛩吟翻得瑤章次第臨八詠才高磚引玉三生

交洽石兼金早殷李郭同舟願更仰蘇湖秉鐸心聞說鳳毛  
能濟美知君培植本來深

疊前韻

更籌細數輟高吟又報檐前鵲使臨代簡有詩工速藻結交  
在義比堅金閒情逸致儒官樂流水行雲隱吏心翦燭不辭  
頻唱和筆譚還較茗譚深

再疊前韻

行窩咫尺好聯吟差勝魚書別後臨縱使振聲難似玉肯教  
惜墨亦如金湖山遙隔勞雙眼風雨傾談慰寸心彼此唱酬  
休厭數桃花潭水共情深

壬辰重九陪鍾太尊暨同寅諸君子岳陽樓登高即席

二首

連朝晴旭盪高秋天爲黃堂助勝遊子美乾坤雙眼闊希文  
憂樂一心周平湖風靜鯨波息大野雲開雁戶稠歲熟民和  
人意健絃歌聲澈岳西樓

飛鴻跡託大湖邊屈指流光十二年恰敞天容逢令節又陪  
高會集羣賢風帆沙鳥開圖畫紫蟹黃橙醉綺筵此日鍾期  
欣既遇好將流水奏清絃

癸巳岳陽講舍枯柘復榮喜而賦此

老柘輪囷亦散材卻曾飽歷歲寒來無端風雨遭摧折忽作  
萌芽待護培自是根深元氣厚更緣土潤舊痕開生機勃勃  
饒春意仁愛天心竟挽回

壽巴陵學博曹侶蓀同年二首

君山屏錦映鱸堂湖上秋涼春酒香最喜高齋無俗客又逢  
佳節是重陽茱萸醉把情彌鬯松柏寒經色更蒼愧我龍鍾  
多老態恰同蒲柳不禁霜

何期濫水快同舟況復苔岑叶應求壽宇新開天岳景文光  
滿照洞庭秋才原館閣閒曹屈賢有兒孫晚福稠願采黃花  
兼紫蟹年年此日獻觥籌

題胥葆青學博看花飲酒圖

儒家論交在道義佛子論交在因緣因緣不合終有隔縱距  
咫尺難鉤聯我自己未赴西蜀與君把臂澹津邊君品如山  
才如海欣慕竊願爲執鞭信有因緣不自覺一見如舊情纏

繇無端塵跡各紛逐自此參商三十年邇來滄水忽重聚試  
院昕宵茶共煎談心纔剪西窗燭攜手復上岳樓巔縱觀重  
湖千萬頃茫茫世事空雲煙咄哉相逢又忽別重重離緒胷  
中填瀕行出示五老圖屬我題句心拳拳我披君圖寫君抱  
靈山緣法信堪詮五老登科已垂暮鳳池未到各一天會合  
有緣成佳話文章勳業皆足傳如君才調玉堂選苜盤久屈  
胡爲然我亦冷官數十載閒階詠蝶空流連飛鴻指爪雪泥  
印傀儡場中絲暗牽人生離合自前定飲酒看花亦覺便聞  
道來秋有恩榜君名定許龍頭鑄我欲與君計偕去春風紅  
杏爭芳妍合向五老後塵步李郭同舟望若仙腐儒顛倒作  
奇想博君大笑蒹湖前洞庭千波釀春酒舉杯遲君飲如泉



甲午春初小集象可伯兄宅晚宿迪吾六弟書齋歸後

喜聞迪吾得子時將赴岳賦此代柬

信宿高齋裏門閭喜氣充果符蘭夢瑞攀得桂枝同

是年正科

清

韻傳雛鳳歡聲達遠鴻德星芒作作照徹洞庭東

題象可伯兄百鴨圖

蘆花淺水正清秋逐隊羣鳧樂泳游一點機心都不着年年

風雨伴閒鷗

甲午上元後一日由家登舟晉省二首

還家卅餘日辛苦不安居再鼓蘭江棹

赴禮州

旋登柏嶺輿

赴鄉墟墓

米鹽籌畫促骨肉聚談疏惟有支祠事撫心聊慰初

捐貲作祭祀經費

飲罷元宵酒魂銷餞別筵故交增涕淚舊夢冷林泉解纜東

風峭對牀明月圓沈疴憐伯子回首太悽然

時續兒病  
逾月未起

正月二十六日舟抵長沙

又向長沙溯舊遊飛鴻無數爪痕留茫茫身世懷青眼冉冉  
光陰感白頭巨室侈談金谷醉故人零落玉樓秋自慙垂老  
糜清俸循例衙參共五週

時入省  
驗看

苦雨

雨絲風片又江城眞箇春無三日晴閒步定王台畔路柳煙  
濃處鷓鴣聲

留別長沙三首

碧浪湖邊花帶雨白沙井畔草含煙尋常一樣閒花草偏惹  
衰翁別緒牽

舊交幾個剩晨星  
可愧年華草草經  
此別重來真意外  
驪歌一曲不堪聽

回首觀光乍到時  
光陰半百似駒馳  
重尋往跡渾如夢  
細雨斜風聽子規

寄懷家暢九叔二首

朗水君山各一天  
離踪重合已三年  
故園小住翻成客  
好句頻投宛欲仙  
吟興方酣鄉社酒  
別懷又繫洞庭船  
遙知百尺樓頭臥  
定憶湖邊老鄭虔

等身著作已成編  
大集觥觥海上鐫  
風雅源流能指數  
文章根柢得心傳  
元龍豪氣疇同競  
雛鳳英聲定紹賢  
莫道竹林慙小阮  
題詞早願擘蠻箋

十六夜泊琴棋灣對月有懷同鄉諸君

宵景皓如晝大江流有聲一春今夜月千里故人情對鏡吟  
應苦欵篷夢不成吹堦憐伯氏肝膽最余傾

謂象可  
大哥

甲午秋京友函告推升可得彭澤令促即入都賦三絕  
答之

片紙長安道上忙爲催傀儡去登場笑余壯歲羞爲吏垂老  
如何轉熱腸

夕陽雖好近黃昏作孽翻愁累子孫攬鏡絕憐霜滿鬢尙思  
曳杖返柴門

靖節先生怕折腰脚躡手版本無聊即今彭澤應如昔五斗  
何堪又我招

甲午生日偶成二首

馬齒徒增愧德星，流光七十又三齡。  
習勞羞喜精神健，耐冷曾因患難經。  
老態頗羞雙鬢白，家傳只望一氈青。  
兒孫娛我無他法，芸案披書手漫停。

髻齡曾笑是書癡，垂暮丹鉛亦不疲。  
九老年華希鄭據，一生知遇感鍾期。  
蘇門長嘯臨文速，陸海高吟得句奇。  
寄語吾徒休載酒，但留佳詠作金絲。

偕楊雨穀茂才遊君山歸飲岳陽樓中二首

我來未上君山頂，日向高樓畫裏看。  
喜遇同心都浹洽，許教真面得遊觀。  
蒼波望滿三千界，名跡堪尋十二巒。  
忽憶故人方射策，江湖廊廟各言歡。

謂唐少  
皆庶常

西南風好送歸舟，酒綠鐙紅又上樓。  
差幸頻年腰腳健，儘堪徹夜主賓酬。  
湖山得主方爲美，雲雨初晴不負遊。  
卻愧老來詩思澁，未曾留句碧峯頭。

再疊前韻二首

笑我拋磚能引玉，聯翩錦什百回看。  
好山更以詩人顯，喜獵難爲壁上觀。  
興會淋漓忘色相，文章奇麗在峯巒。  
朗吟亭裏神仙侶，添得騷壇唱和歡。

側身天地一扁舟，玉笛金樽日上樓。  
倪老畫圖描不盡，醉翁山水樂堪酬。  
搜奇爭作千秋想，攬勝還須幾度遊。  
寄語羣公須賈勇，珠璣飛滿碧山頭。

喜嚴柅香學博由華容送試來郡

浮雲一別後流水十年餘舊願同舟遂離情剪燭舒霜髭驚  
改舊風骨喜如初桃李沱江滿蘇湖景令譽

臨湘家杏笙院試前以扇索詩草以贈之

翩翩風度俗塵無信是我家千里駒速藻流驚三峽遠古芬  
秀擷六朝腴放開詩膽元龍壯力挽狂瀾大雅扶拭目登樓  
凌百尺湖天分袂漫踟躕

題蔡黼丞廣文夫人所遺蕉窗寄書圖三首

先後兩夫人  
均善詩畫

鄭虔三絕畫書詩邢尹夫人並得之造物妬才兼妬福彩雲  
散處斷腸時

同到君家了夙緣前身都是蘂珠僊後先攜手瑤臺去知是  
情天是恨天

情絲萬縷織生綃情種雙雙畫裏描君更多情拋不得一披  
遺軸一魂銷

乙未重九陪鍾太尊暨同寅諸君子奎光閣登高二首

閣在岳陽慎修兩書院後是日落成

天開霽宇敞清秋高閣新成壯勝遊奎璧文光騰北斗湖山  
秀氣聚東樓公庭月朗琴依鶴渤海風行劍易牛躡足層臺  
觀廣廈萬間費盡稻梁謀

溟海甌江又皖山衡雲湘雨共開顏

謂陳正均何少軒兩明府顏笏笙曹侶蓀湯杏樓三廣文暨呂仙舟少尉

黃花紫蟹酬高會絮果蘭因集此間老入枯腸慙講畫時逢  
健腳許躋攀茱萸醉把憑闌望八百湖天面面環

閣可攬全湖之勝

猴窠嘆 有序



客巴東時聞土人云猴黠而貪多窠巢蓄果栗甚饒  
山中婦女孤行或羣攫去窠在層崖間人跡罕到猴  
自爲得計乃獵戶跡其所踞往往舉火聚而殲旃得  
所積果栗無算因有慨於世之爲猴窠者夥矣作猴  
窠嘆

獠獠狡黠善營窠猴酒猴糧旨且多經年累月成饒富攫人  
婦女作阿婆自謂淫樂是久計猴子猴孫堪滋息豈知惡滿  
災禍來獵火焚巢徒飲泣肉供人食皮作寢空餘果栗如山  
積我聞此語不僅爲猴哀吁嗟乎沐猴而冠豈少哉蠅營狗  
苟博富貴聳身直登傀儡臺臺上肥甘填肺腸地皮刮盡充  
橐囊衣裳壓笥珠玉滿姬妾列屋脂粉香聲色貨利錮本心

積財愈多孽愈深並無絲絲痼瘵意只有怙侈與驕淫無何  
日出冰山頹貲產籍沒靡子遺重則首領不得保輕亦荷戈  
行邊陲縱然法網倖或逃冥誅亦必苦相遭祖宗痛哭九泉  
下子女流落乞丐曹更有不忍形齒頰萑苻藪中煙花寮種  
種心計槩成空夢醒黃梁恨不窮惟有回頭早懺悔免與猴  
窠一樣同

勸設因利局一章

爲岳州鍾太守作

人生一日不再食饑火騰騰胡可當若值斷炊數晨夕餓軀  
垂危倍慘傷豐年米賤尙如此倘遇凶年必流亡嗟彼旣無  
田可種又無貲本市堪藏歲暮凍餒坐待斃弱者爲殍強跳  
梁官長雖盡法懲治可憐劫掠已如狂大傷天地太和氣蒸

化厲疫多災殃豈必斯民盡頑梗苦無善策回春陽太守軫  
念窮黎隱欲將缺憾補彼蒼捐廉倡設因利局并與紳商籌  
久長如以千錢借小貿只抽十文按日償一日賺得錢百枚  
便餘九十作粥湯仰事俯畜聊可活週而復始免饑荒民間  
少一凍餒子鄉下少一賊盜防局本彌多效彌大量入爲出  
用克常自古堯舜病施博衆擊共舉法最良富家濟人人相  
衛貧家戴德誰忍忘大家安靜過生活桴鼓不驚樂平康但  
願殷實齊踴躍彼此相勸大解囊福田廣種多迪吉心地厚  
培集嘉祥不才雖無司牧責富家子弟徧兩庠秀才天下爲  
己任由城倡行到四鄉四鄉各設因利局家室保聚同苞桑

戒打油火歌

楚中奸民或借事詐人財或誣告人以取快其私名曰打油火

公道自在人心間何必紛紛攘攘爭反顏唇槍腹劍不相讓  
徒啓鞦韆多仇攀等是些睚諸細故一言不合生嫉妬既非  
覆盆莫白冤何難理遣與情恕胡爲詐索不遂意機變百出  
生奸計砌詞誣告打官方胥吏坐收漁翁利兩造常結不解  
仇案成上控將誰尤自誇健訟刀筆利陷人桎梏或幽囚補  
我瘡痍剜人肉訛人錢財折我福欲壑不填訟未清噬人更  
比蛇蝎毒事本平平可和息故意張皇來恐嚇坐守城頭包  
官司顛倒是非混黑白更結胥差爲耳目冤枉人家受鞭撲  
命案油火多株連良民何堪受魚肉或忌功名思中傷嚇詐  
人財飽私囊或妬家財比我富捏情上控誣善良又如婚姻  
田土事從中播弄思謀利多少安分守己人每因無故受拖

累吁嗟乎爾身肥民命蹙深文與險語不怕成大獄貧富自有命爲憑世人何苦心不足科條凜凜載刑章憲典煌煌不可忘反坐尙有國法在損人利己須思量陽有律例嚴陰有鬼神譴縱然法網許潛逃蒼蒼神目終如電生前倖不受官刑子孫報應影隨形莫以予言爲河漢苦口權當座右銘

戒匿名揭帖歌

人心最陰險莫如匿名帖殺人比刀矛嚙人甚蛇蠍擠人濁流中居己清流側或編爲歌謠隱微必攻訐或拈作駢聯雕琢偏精刻或敗人令聞或隳人清節或損人功名或傾人產業任意肆雌黃埋冤誰別白不顧分尊親祇快事決裂一點伎求心三寸鼓簧舌往往戕人命猶復逞污蠛樂禍與幸災

殘忍同蝨賊朝廷有律條徒流罪不赦縱可逃王章冥誅豈  
能測世運江河下茫茫悲浩劫愚氓安足言慎旃簪筆客

和鍾太守巡團原韻八首

不憚衝寒五馬行萬家憂樂繫哀情一誠早覺天心格特爲  
巡邊滿放晴

利普因民渥且周豈猶伏莽蓄陰謀定知渤海臻豐樂賣劍  
人都去買牛

練團保甲絕逋逃一片婆心待汝曹富者出貲貧出力大家  
莫負長官勞

綢繆未雨費經營隻手能扶萬厦傾造福人纔能受福家家  
高枕話昇平

玉壺朗朗抱冰心峻節頻辭暮夜金清慎與勤公已備猶加

誠字勵官箴

太守以清慎勤誠四字自箴

魚庭表率仰垂紳正己才能說正人簡從輕騎勞獨耐一番  
事業一精神

一絲一粟念艱辛不願脂膏潤一身但願富家齊種德爲吾  
畫策福吾民

湖壖衽席喜同登康樂全憑歲穀增千載重來滕太守會看  
百廢又俱興

岳陽留別七律四章

十六年來託一枝鼓琴何幸遇鍾期名山久抱人師愧上考  
頻邀國士知報稱情濃慙暮景縈維誼重長離思預期節鉞

膺疆寄桑梓常蒙德蔭垂

別鍾太守

湖天八百快同舟聲氣相孚叶應求年屆懸車宜引退情因  
分袂欲句留宦途似弈難常聚好劇登臺總有休書畫一船

風兩袖趁今歸去是良謀

別同寅

濫水東流沱水西昌江洄溯又雲溪中多摯友心相結空抱

離愁手莫攜去住有情縈蝶夢升沈無定感鴻泥

友教十餘年從遊近百人著庠

藉登萃科舉賢書捷南宮固不乏而負才未遇者亦有之

琴樽後會知何日惆悵湖樓夕照低

別郡紳暨

同學

抗顏四載共精研忽挂歸帆轉黯然良會短長關夙定浮蹤  
聚散係前緣但能矩矱崇先正自許功名紹昔賢留贈臨歧  
無別語志宜遠大守宜堅

別兩院諸生



歸舟雜詠八首

虎口餘生五十秋，歸裝纔算載扁舟。邯鄲一夢渾忘久。

武在臨及

岳州共三十七年

贏得醒來雪滿頭。

飛來鵲使意欣欣，似報豚兒賦采芹。

五兒日新今正月初九入泮

恰好挂帆添

喜氣詩書八葉紹清芬。

從遷祖起至賢字輩恰是八葉

漫將藻思詡鴻裁，要學希文作秀才。春日揚華秋結實，儒林

根柢重滋培。

趙家琴鶴米家船，眷屬同歸樂趣全。添得桐孫剛學語，牙牙

笑指月輪圓。

時值上月色如晝

臨資江口上元鐙，簫鼓聲聲兩岸騰。回憶桂陽花事好，魚龍

巧製定新增。

臨武上元花燈甲於衡南

夾岸柳稊齊綻碧萬畦菜蔬競堆黃  
輞川詩句荆關畫難把  
沅湘妙景裝

天心湖映太陽山蒼翠迎眸夕照間  
屈指隔家三百里兒孫  
應盼老人還

蒲帆快卸朗江邊順遇春風當錦旋  
幾輩冠童迎杖履又知

文字有因緣

正月二十二日抵里門

抵家甫卸裝適象可伯兄來自龍灣留飲喜賦二首

分袂忽三年春風入綺筵重逢驚老鬚  
幾輩賸吟肩

壬寅同入泮者惟兄

及弟同抱憂時感屢勞招隱篇

兄屢致書促歸

白頭拚一醉聽雨對牀眠

熱腸兼俠骨痛癢總相關初志從今遂  
離愁可共刪桑榆爭

暮景

兄尤強健

壇席愧名山

邑人約主朗江德山兩席

相約桃花漲龍灣一棹還

丙申秋耐冷山房詩文草梓成感賦二首

昔菴堆盤不染塵丹鉛贏得日相親一篇成就難如意半字  
推敲亦損神顧曲難忘青眼客耽吟自愧白頭人絕憐舊藁  
多拋卻賸墨零縑當等身

功成梨棗感鍾期

解組時岳州太守鍾君贈板貲

廣益還憑集衆思

藁經蔡黼丞曹侶孫暨家暢九審定心

血幸留些子在精神藉告故人知停雲空憶題襟地舊雨徒

懷擊鉢時

庚戌偕曾敬齋博陳少海觀察向梅脩大令北上戊午同易笏山方伯賀聘丞司馬戊辰偕蔡霽麓太守周舜農孝廉就南宮試得句頗多今皆散佚

倘得餘年增矍鑠枯腸搜索補忘詩

除夕

日月水流去今宵又歲除艱難磨老景歌嘯出窮廬豈有千  
秋業聊憑一卷書吾徒須勵志慎勿擲居諸

元旦試筆

年年彩筆試新箋一例都教吉語傳  
庚瑄陽春回鳳律子宮  
魁柄射龍躔文風誰挽江河下學力宜爭  
日月先一席名山  
今又忝彌教寸抱惕冰淵

立春三首

綵仗迎郊外天光忽放晴  
草痕蘇野徑花信動江城  
粗了山莊願還驚海國情  
時艱疇克濟端賴歲豐盈  
米值日翔貴民生多隱憂  
倘教災莫弭難免寇成流  
白馬機頻伏紅羊劫未休  
前車明季在兵食兩宜籌  
人情胡太險劫運怕招來  
但願機心泯無難淑氣催  
一陽基百福片善解千災  
莫待瘡痍現方圖力挽回

春寒枕上口占

連宵風勢猛蕭索不成春夜靜燈親客天寒火近人

寄巖柘香山長二首

時主省城求賢書院講席

回首巴陵共唱酬隨時眺望上西樓豪吟頗得湖山助好句  
奚分賓主留轉瞬煙雲成夢蝶多情風月付閒鷗與君後會  
知何日前路茫茫夕照秋

寄訊猶然前肺腑別來是否舊鬚眉窮通各抱千秋志飢溺  
徒增兩地思求實原儲當代用論文克守昔賢規名山一席  
遙相望肯錫良箴得所師

消寒二會輪予主席代柬

瞬息消寒第二回藉詩代簡例先開荒齋添得文星聚小閣

重聯舊雨來鮑俊庾清牋各展馬工枚速鉢休催唱酬都有  
前緣在何幸龍鍾末座陪

庚子上元後一日移居朗江書院

又向名山續舊緣流光忽到杖朝年未陪星履趨丹陛恰聽  
霓裳奏綺筵酒綠燈紅官閣地蜃雲蚩霧海濱天但期歲稔  
萑苻靜得與吾徒樂誦絃

贈趙伯常太守

握手湘闈月正圓光陰彈指卅餘年君今鹿轂馳千里我尙  
龍鍾擁一氈捧檄情關飢溺急承辦江西賑捐泛舟謀切稻梁先花開  
旌節看繩武綠野平泉世澤繇

二月中澣送別蔡子陶分尹赴河南五古三十韻

蘭芷升庭中瓊玉互輝映友教在四方得才頗稱盛置身青  
雲端十數羅英俊篤愛久勿忘無如子至性廿年分兩地斗  
室寸心印痛癢總相關恩誼骨肉併回首壬子春羣賢負笈  
進子年甫十四文采特神駿阿翁交我厚道義資考證明德  
後必昌諸昆無紛競解悟子獨精行文華實稱自是逾三載  
膠序馳令聞連試甲同儕遐邇才名震橐筆諸卿間倒屣爭  
迎聘積學祛外觀孝友敦內行實至名必歸剡章達天聽徵  
辟重淵修特司茶陵訓著作早等身六藝漱芳潤課士悉以  
誠鱣堂懸玉鏡信友宜獲上卓異洵從政歷任十五載優攷  
無與并鹿邑正需賢恰孚遷喬詠分治重溝洫疏濬關民命  
斯地多循良前巖流餘韻以子經世才媲美實堪信河陽好

種花指顧看掌運宣勞在一身造福徧百姓較諸羈冷官功  
業實較勝惟君富精神惟僕凋鬚鬢師弟各老蒼後會何堪  
問驪唱不忍聞卮言卻宜贈握別在臨歧茫茫百感并

遷居堯田別墅

庚子仲春

桃花流水名原古妙境天開始漁父淵明作記或寓言別有  
天地在洞府洞中託跡惟神僊僊在虛無縹緲天胡爲不與  
人世異廬舍桑麻雞犬全人間何地無山水山水何地無桃  
源桃源咫尺今實有清淑之氣鍾坤乾七十五齡我始歸歸  
來不獲掩柴扉羈縶講舍已四載城市汰侈習染非習染最  
足誤子弟不避澆風伊胡底我今決計徙堯田地近僊源俗  
塵洗春風送我秦洞西樹樹桃花紅暈溪棹舟乘興恣所往



有時屋角還杖藜手剪蓬蒿三徑開有酒可飲花可栽兒孫  
課耕兼課讀苦荼茹後甘薺來行年八十復何欲欲得清閒  
消清福清福本是前生脩境豈有足須知足

家訓十首

天不虛生人士農有定則恂謹總無疵輕浮終鮮得克勤乃  
興家克儉能守業勗哉此卜居努力崇明德  
薪桂復米珠城居大不易擇地先擇鄰此鄉諳禮義聚賭與  
宣淫幸無此兩事山水既有緣子弟免滋累  
遣兒赴堯田莊廬聊洒掃有樓可藏書有溝可停潦儲粟喜  
秋成蓄薪趁冬燥園圃無拋荒蒔蔬美且好  
回首歸數載未涉林泉趣幸結田舍緣稍醫煙霞痼十畝種

桑麻三椽避風露栗里究何如我今且學步

課耕兼課讀耕讀不負人讀以廣智識耕能濟饗殮世事如奕棋名場盡荊榛何如專所業擇守先認真

城市太奢靡服飾動奇袞盈滿鬼神忌劫數不免加妖冶譌舞競珍錯山海誇鄉居不睹此惜福真無涯

和氣祥定增乖氣戾必至儆戒在天心挽回資人事兄弟宜友恭娣姒勿猜忌合作家可興析箸戒輕議

成家資內助汝曹已完娶琴瑟各在御井白實當務出門交同人道義嚴趨步外誇宜屏除臨事免貽誤

先人遺卷軸惜哉早遭焚辛苦一冷官亦頗蓄典墳琳瑯列四壁圖籍流古芬况有手澤貽保守宜加勤

居鄉有要策先在和鄉鄰守望合爲一外侮何敢瞋諄諄官  
長諭團保務遵循至於社倉穀朱子法宜因

移居堯田別墅口占

城居不耐耐山居幸得良朋代結廬桃塢落紅輕點笠蘿峯  
潑綠遠侵裾攜來稚子堪移硯

菊孫相貌岐嶷余鍾愛之

賸有餘年好讀書

清福果然消受得願長溷跡伴樵漁

遷居

招得東風至移家一舸行伏林慙老驥出谷伴新鶯有客邀  
雞黍期兒詠鹿茸老夫無箇事長此伍村氓

卜日遷居別墅先期由郡河買舟往甘灘

四經鑑箠未乘舟今藉移家賦勝遊柔櫓緩搖風習習輕篙

漫點浪悠悠清癯老骨原如鶴淡泊名心早似鷗恰趁鶯兒  
詞出谷新簧炙就互相酬

登舟似有雨意旋即放晴喜而賦此

連日雨緜緜登舟霽色妍晴開人意快春到鳥聲圓一棹江  
心放千帆水面懸天緣真結得把筆亦陶然

舟近桃邑

指顧仙源近家人問訊頻行經百餘里載滿十分春雞黍懷  
前約鶯花屆令辰安排携斗酒踪跡避秦人

舟次桃邑悵念故人向梅修同年郭蘭生山長

記別漳江十四年重來恰是好春天柳芽綻綠垂隄外菜蕊  
堆黃到塢前訪舊向禽餘墨在同舟郭泰亦賓捐一聲何處

山陽笛室邇人遐倍黯然

過潯陽坪悼亡女巧姑二首

回思道韞嫁衣成腸斷江干繡幃行祇賸一抔黃土在那堪  
重聽杜鵑聲  
天壤王郎太不情早經寒卻舊時盟腰纏化作千蝴蝶算是  
前生債了清

傍晚泊甘灘

三兩人家住紅橋度小溪釣魚翁一箇斜立柳陰西

舟中有感

有意東風送我行扁舟穩坐浪無驚地求遠市堪除俗天爲  
移家滿放晴好水好山新畫稿閒鷗閒鶴舊詩盟篷窗鎖日

渾無事何處高譌一笛橫

舟中望綠蘿山二首

雨餘晴乍晚霞鮮潑翠江心畫意妍十幅屏風斜映水淡青  
濃綠總天然

天然圖畫本天成多少倪黃愧寫生除卻碧翁翁手筆世間  
描得幾蓬瀛

二月攜眷屬由甘灘入新居

春風也似愛吾廬伴我來歸水竹居一路好花參鼻觀四山  
新翠撲肩輿蒨鱸趣味耽延久松鶴姻緣結締初但願兒曹  
專所業橫經負耒兩無虛

疊前韻

攜同眷屬入蓬廬彷彿淵明栗里居楊柳風和微拂帽杏花  
雨細不沾輿閒閒十畝歌招隱草草三椽賦遂初睦里和鄰  
無別法柏松心實竹心虛

園中摘得嫩茶兒輩取以供飲味亦清美賦詩志之二  
首

我別君山已五春旗槍空憶大湖濱誰知園樹芽初茁竟似  
君山色味清  
今朝纔屆清明節穀雨芳辰尙隔旬何意煎來剛半盞居然  
一樣洞庭春

朗江書院開學行將赴城感賦

筆耕墨稼硯爲田垂老人家各一天負債累因婚娶重出山

情爲別離牽捫心名利原都淡可意兒孫倍覺憐安得此身  
常健碩鼓譟絃誦樂餘年

三月初九登輿往朗江講舍二首

少年橐筆走風塵北馬南船耐苦辛誰料老來閒不得入山  
又作出山人

八十衰翁尙出山歸田仍未得安閒稚孫繞膝牽衣慣難把  
離情一筆刪

傍晚抵齋 三月初九日

暮色蒼然至迢迢一水橫催來蘭漿快行比筍輿輕轉瞬欣  
登岸連肩已入城荒齋堪小憩又聽讀書聲

昨日精神飲食殊覺爽健今晨遠遜何反覆乃爾耶雨



窗寂寞拈筆作此

年老自當衰不圖衰若此眠食總交頹動作難任已兩脅骨  
稜稜雙肩巖齒齒泄瀉苦無休纏綿伊胡底醜態實自慙憊  
形殊可恥昨服全鹿丸漸覺精神起把酒且高歌兒童爲我  
喜反覆竟靡常病根究未已儻曰歲限盈歸真亦可矣行年  
已八十豈猶短折比有榮即有悴造物自然理矧遘時局危  
休焉得所止

喜雨

我自旋家後甘霖第二回稻田蘇賸菘菜圃潤枯芟水足犁  
堪入膏濃蔬易栽不饑還不饑天澤廣滋培

五月初十諸生多乞假歸家余亦暫返堯田別墅輿中

得句

齋居兩月暫言歸  
緩緩扶筇上翠微  
膏沐林容詩料富  
嵐烘嶺脊畫圖稀  
牧童橫笛皆天籟  
山鳥呼名亦化機  
斜日半村程十里  
遙知稚子候柴扉

又五律二首

高低生衆綠環繞  
筍輿行羣卉含春色  
幽禽多好聲人家都  
闌靜天氣亦澄清  
只爲龍鍾甚無能步履程  
信是村居好林泉景物賒  
有家皆打麥無處不插茶  
新綠秧畦滿遙青竹徑斜  
最宜娛老病無負此煙霞

書樓晚望

碧梧翠竹擁高樓  
占得堯田一片秋  
午夜書聲應四達  
管絃

那有此清幽

抵家後老病彌甚感賦

老夫夙彌健經年無一病即今甫八旬頓覺憊矣甚始因脾胃衰飲饌不能進繼因肺氣傷咳嗽日增勝精液化膠痰咽喉轆轤運正如春蠶絲纏繇莫能罄老態益龍鍾步履愈疲困攬鏡骨嶙峋舉趾頭眩暈坐臥兩不安恆與書卷近亦惟結習存手眼尙未窘瑩然方寸間一點明如鏡安得參朮功  
英姿松柏競

夜坐書樓有感

幸得餘年樂事臻林泉風味者番親秧畦遠近青無際松嶺高低翠最勻把卷好尋言外契登樓宛是畫中身桑麻十畝

書千軸領略些些亦夙因

登樓

萬籟寂無聲吾廬夜氣清登樓風挹爽開牖月增明妙句無  
心得天機觸處呈鳶魚斯道契能使病魔輕

病中自嘲二首

病容宛是秋餘柳文氣還如春在花一點性靈能不昧水仙  
花本是根芽

水仙皎潔遠塵埃冰作肌膚玉作胎不受人間濃富貴都緣  
根柢出蓬萊

夜坐有感二首

領略山林趣光陰忽匝旬縱添餘歲月無復舊精神雞黍招

良友鱸菘話夙因日長年可比莫負靜中春  
疫氣鄰村重吾鄉幸不聞相期行好事庶免惹災氛得暇還  
拈韻來朋喜論文養生無別法淡泊葆天真

柬嚴秬香山長二首

衰病纏綿百感生尺書問訊獨君平  
蘭言娓娓心脾沁芝範  
殷殷肺腑縈秋水早知懷共結廉泉倍覺飲來清  
關河兩地人皆老何日深譚一舉觥

不覺還鄉已五年初心祇望樂林泉  
何期間字車填戶依舊躬耕硯  
作田方幸有秋禾稼熟忽驚徧地犬  
羊羶蕭蕭戎馬關山北只盼天戈早凱旋

中秋日柬秬香八首

銀蟾朗澈碧香天千里光同一鏡圓惆悵定王臺遠隔莫能  
隨月到君邊

回首瀕湖共楫年西樓屢上拍吟肩憑闌對月渾如夢一度  
中秋一惘然

瓊樓玉宇劇高寒把酒青天水調彈一樣團圓明月下征裝

曾否到長安

時東西聯軍陷  
京師兩宮出狩

一年好景是今宵敢道齋居太寂寥  
樓指知交皆已老晨星落落路迢迢

世態秋容到處同朋稱耐久孰如公  
霓裳幾輩曾偕詠車笠盟寒陌路風

無端老病總纏身君最關心借筆陳  
眠食兩虧肌肉削秋山

瘦影太嶙峋

窮愁祇有詩懷遣脩短全憑命運安老去干戈能不見一身  
俯仰地天寬

猶是團圞月照身知心相憶莫相親縱能後會知何日安得  
脩成著翅人

中秋回堯田途中五首

我本齋居慣情偏兒女長順風堪返旆好月共飛觴京國殊  
驚耳琴尊空斷腸高寒瞻玉宇午夜照征裝  
最難炎暑後行路半陰晴微雨中宵過涼風一味清天緣真  
各有人力豈能爭凡事宜安遇勞勞枉用情  
提起橫磨劍鋒芒月共明誰從西狩駕相衛漢家營烽火東

三省瘡痍朔十城吾儕雖弼教北望總心驚  
斜日墮林表行行歸敝廬農家無劍戟吾室有琴書底事人  
思亂徒驚莽莫除練團真要著毋使此言虛

我愧清班列光陰八十秋文章難報國嘯咏且登樓蟾魄原  
猶昔狐鳴尙未休艱危悲世事把酒月當頭

又途中得句

流光又到中秋節且向吾廬策杖旋塞北妖雲堆正滿沅南  
人月幸同圓世途夷險原憑命人事安危祗聽天兒女團圞  
清夜永不妨觴詠且流連

八月十九老病時作感賦

無端老病總纏綿脾土多虧未易痊歲到八旬皆老壽文能



千古亦神仙窮通憑數還憑理脩短在人尤在天卻幸向平  
心願了中醫不藥更安然

夜大雨枕上成詩五首

北方兵燹居無室南國豐登歲有秋同是雨聲聽各別一邊  
歡喜一邊愁

老來夜夜少安眠聊借高吟百感捐回憶少爲童子傅粗衣  
淡食轉陶然

愧不如人是理財飛蚊無數手中來如何垂老腰纏罄贏得  
時時上債臺

差幸良朋能諒我扣人門處總開門祇愁債帥朝天去惹得  
追逋累子孫

小小莊居薄薄田一枝栖得總安然可憐北望胡塵滿大屋  
官人正沛顛

有感

賦性聰明意氣揚翩翩雅譽邁膠庠英華太露眞非福竭蹶  
圖功反召殃

詩債

旦夕還詩債今秋還獨多消閒皆樂境娛老此吟窠種豆添  
新詠贈瓜得好歌佳題隨處有遮莫硯慵磨

日欲

日欲登樓事曠觀無邊秋色一憑闌攀梯怎奈渾無力少壯  
圖功老覺難

對鏡

鏡裏衰顏老更蒼  
養疴匝月住山莊  
役形雖異勞筋苦  
摩體徒餘瘦骨張  
涉世憑他蒼狗變  
信天惟覺白鷗良  
爐煎參朮還多事  
理亂無聞是妙方

藝蔬

移家在鄉曲養生資  
穀食脫令圃無蔬  
佐飯嗟鮮具春韭與  
秋菘風味多佳致  
四時各有宜卻須先  
種植隴畝必分行  
灌溉必勤事婦職  
主中饋菜圃當留意  
朝夕有饗殮歲饘亦可  
慮客來或留餐市遠  
奚能至居家良不便  
老圃宜學治儒者  
嚼菜根天下任可寄

登樓

攀梯三十級乘興一登樓靜領溪山趣曠觀天地秋煙雲憐  
世態風月盪吟眸惆悵遼西道兵戈尙未休

老耄不喜肉食

老耄如稚幼咀嚼靡恆時一自衰兼病不樂甘與脂鱸葍名  
士志鮭菜故鄉思肉食洵堪鄙熱官早已辭

述懷

日月輾雙輪迅速不可待行行老且衰病魔時復會夙昔稱  
強健勞苦均能耐胡今甫八旬強健莫我再飲食日已減精  
力日已殆起居輒需人支離形醜態幸賴詩書靈一點餘慧  
在

午餐後扶杖廳上小坐看書兩尻便痛雙目時昏仍回

房內乃知衰病老三字所致非盡病也自慰四首

骨立雙尻難久坐頭昏兩目更迷離  
看來精力銷磨甚半是年衰半病衰

回首少年何爽健如何衰老竟顏唐  
顏唐至此難培補何苦枯腸灌藥湯

年來只有詩猶作消遣還爲第一方  
好句得來狂喜甚欲呼同社共評章

文人結習本如斯莫笑衰翁愛學癡  
世道昏昏癡更好蠅頭蝸角兩無之

樓頭小坐二首

明窗淨几朗無塵近水遙山趣亦真  
閒把詩詞常領畧莫教

辜負此吟身

都道拈毫最費心  
心虛不免病魔侵  
世間多少癡呆子  
未解高吟疾痛深

閏八月朔登樓四顧豁然開朗欣然得句

垂老厭喧囂偷閒遁林壑  
理亂付不聞名利兩不慕  
條然塵累外隨遇安飲啄  
子弟毋趨華願習耕與鑿  
婦女無矜奢荆布躬操作  
孺子離襁抱切忌任驕惰  
不才縱衰朽必自無齷齪  
修短憑造化含飴雅足樂  
太息丁時艱得過亦且過  
長嘯一登樓好風掀簾幙

閏月初三上書樓小坐不上已十日矣乃值狂風捲地  
黃沙漫天愁慘氣象觸此吟懷得七律一首

十朝未向樓頭坐一覽溪山景物嘉  
偏值顛颺迷白日徒教大地暗黃沙  
干戈劫竟憑誰解文字魔真恐漸加末  
造風光多似此慘知天意亦咨嗟

九秋已半百感紛投盱衡大局得七言絕句四首

目前亦似平安象矧是豐和大有年  
只怕和戎無魏絳紛紛各據一方天

若問瓜分雖未成羣雄牽制不相能  
喃喃都道和爲貴利益同沾說早興

禍心叵測是俄人三省精華半失真  
北接幽燕西接陝此間扼守要經綸

和亦明知是苟延不和難戰亦徒然  
譬諸疾後資調養元氣

回時策萬全

閏八月初七日老身復病泄有感而作

國病兼身病傷哉兩面來  
微躬何足算大局實堪哀  
和議倘相梗夷情詎可猜  
秋風聲撼撼西望久徘徊

自題養疴偶吟

庚子仲秋月  
年八十

老朽不才二豎爲災三月迄  
今藥竈常開參朮鮮效精力殊  
少披卷偶暇涉趣詞藻詩何敢稱  
消遣光陰枕上得句名曰  
偶吟由春而秋鷓蟀唱酬百數十首  
心血所留日衰一日幾  
莫自適如蠶有絲如蜂有蜜興到之詩  
不忍拋棄爰筆於紙  
我後珍視



耐冷山房詩存終

日本東京日清印刷株式會社印刷

歲丙申先父自岳州解組歸曾輯所著詩文  
共成六卷合刊之於朗江講院是爲耐冷山  
房詩文草偶存詩草四卷凡分五集曰嶺南  
曰北上曰蜀道曰臨陽曰岳陽分集之意亦  
隱寓編年之體也先父少日所作已多遇寇  
清遠蕩然無遺故存詩自脫虎口始解組後  
講學武陵時則頗傷衰老仍以吟詠自娛  
五年之間積詩得百數十章以養疴偶吟標  
題紀其實也先是詩集旣鐫字句之間仍有

點竄卽篇什去取亦復加嚴擬俟養疴草上  
梓時重付剗劂議未及踐遽告考終強自先  
父見背遊學服務訖未安居兄新館穀亦鮮  
家食未刊諸稿時有散失心常惴惴無以自  
寧近因休職稍間恐更遷延愈艱編綴爰次  
第先父最後手校之稿暨養疴吟草彙爲一  
冊舉付手民總名之曰耐冷山房詩存俾無  
復有遺佚之慮至各種雜文版度家祠略鮮  
刪削無事重鐫也初刻弁言哀然半帙憲唐

述漢靡與平生繡板在家亦不復刻一表一  
傳則先父出處學行實具焉錄冠卷端俾見  
先父詩者有以考識其爲人亦籍以圖永先  
世之手澤云爾民國元年十月仲男強謹記

上海图书馆藏  
A541 212 0010 7631B

上海图书馆藏书



A541 212 0010 7631B

